


DS
735.
A2Y86
1771a
V. 8



御批歷代通鑑輯覽卷之十五

漢

世宗孝武皇帝

辛丑建元元年師古曰自古帝王未有年號始起于此舉賢良方正直言極諫之士

以董仲舒為江都相

上初即位詔舉賢良方正直言極諫之士親策問之廣

川董仲舒對策略曰臣觀天人相與之際甚可畏也國

告之不知自省又出怪異以警懼之尚不知變而傷敗乃至以此見天心之仁愛人君而欲止其亂也已矣彊勉無道之世盡欲扶持而安全之事在彊勉而已矣彊勉學問則聞見博而知益明彊勉行道則德日起而大有功此皆可使還至而立有效者也道者所繇適于治之路也仁義禮樂皆其具也故聖王已沒而子孫長久安寧數百歲此皆禮樂教化之功也夫周道衰于幽厲非道亡也幽厲不繇也至于宣王思昔先王之德興滯補

漢武尚文學其中遂于經術者首推董仲舒乃以為江都王傳而所擢用者前如趙綰王臧輩之庸碌後如莊助吾邱輩之浮誇所謂棄公之龍而已

弊。明文武之功業。周道粲然復興。故治亂廢興在于已。非天降命。不可反也。臣聞命者。天之令也。性者。生之質也。情者。人之欲也。或夭或壽。或仁或鄙。陶冶而成之。不能粹美。故堯舜行德。則民仁壽。桀紂行暴。則民鄙夭。上之化下。下之從上。猶泥之在鈞。唯甄者之所爲。猶金之在鎔。唯冶者之所爲。宜求其端于天。天道之大者在陰陽。陽爲德。陰爲刑。刑主殺而德主生。故陽常居大夏。而以生育長養爲事。陰常居大冬。而積于空虛不用之處。以此見天之任德不任刑也。王者承天意以從事。故任德教而不任刑。刑之不可任。以治世。猶陰之不可任。以成歲也。今廢先王德教之官。獨任執法之吏。而欲德教之被四海。難矣。爲人君者。正心以正朝廷。正朝廷以正百官。正百官以正萬民。正萬民以正四方。四方正。遠近莫敢不壹于正。而亡有邪氣。奸其間者。是以陰陽調而風雨時。羣生和而萬物殖。諸福之物。可致之祥。莫不畢至。今陛下行高而恩厚。知明而意美。愛民而好士。可謂誼主矣。然而天地未應。而美祥莫至者。凡以教化不立。而萬民不正也。夫萬民之從利。如水之走下。不以教化隄防之。不能止也。古之王者。明于此。故南面而治天下。莫不以教化爲大務。立太學以教于國。設庠序以化于邑。漸民以仁。摩民以誼。節民以禮。故其刑罰甚輕。而禁不犯者。

教化行而習俗美也。聖王之繼亂世也，掃除其迹而悉去之，復修教化而崇起之，譬之琴瑟不調，必解而更張之，乃可鼓也。爲政而不行，甚者必變而更化之，乃可理也。古人有言曰：臨淵羨魚，不如退而結網。今臨政而願治，不如退而更化，更化則可善治，善治則災害日去，上福祿日來，故受天之祐而德施于方外，延及羣生也。上覽其對而異焉，再策之，仲舒復對。略曰：臣聞聖王之治，長則材諸位，爵祿以養其德，刑罰以威其惡，故民曉于禮讓而耻犯其上。今陛下并育天下，海內莫不率服，而功不加于百姓者，殆王心未加焉。曾子曰：尊其所聞，則高明矣；行其所知，則光大矣。高明光大，不在于它，在乎加之意而已。願陛下因用所聞，設誠于內，而致行之，則三王何異哉？陛下夙寤晨興，務以求賢，亦堯舜之用心也，而未云獲者，士素不厲也。夫不素養士，而欲求賢，譬猶不琢玉而求文采也。故養士莫大乎太學。太學者，賢士之所關也，教化之本原也。願興太學，置明師，以養天下之士，數考問，以盡其材，則英俊宜可得矣。郡守縣令，民之師帥，所使承流而宣化也。師帥不賢，則主德不宣，恩澤不流。是以陰陽錯繆，氛氣充塞，羣生寡遂，黎民未濟，至于此也。古者任官稱職，非謂積日累久也。故小材雖累日，不離于小官；賢材雖未久，不害爲輔佐。是以有

司竭力盡知務治其業而以赴功。今則不然。累日以取
貴。積久以致官。是以廉耻貿亂。賢不肖混殽。未得其真
也。臣愚以爲使諸列侯郡守各擇其吏民之賢者歲貢
各二人。以給宿衛。且以觀大臣之能。所貢賢者有賞。所
貢不肖者有罰。夫如是。諸侯吏二千石盡心于求賢。天
下之士可得而官使也。毋以日月爲功。實試賢能爲上。
量材而授官。錄德而定位。則于是上三策之仲舒又復
廉耻殊路。賢不肖異處矣。
對略曰。臣聞天者羣物之祖。故徧覆包函而無所殊。聖
人法天而立道。亦溥愛而無私。春者天之所以生也。
仁者君之所以愛也。夏者天之所以殺也。刑者君之所以
以養也。霜者天之所以殺也。刑者君之所以以罰也。繇此
言之。天人之徵。古今之道也。天令之謂命。命非聖人不
行。質樸之謂性。性非教化不成。人欲之謂情。情非制度
不節。是故王者上謹于承天意。以順命也。下務明教民
以成性也。正法度之宜。別上下之序。以防欲也。修此三
者。而大本舉矣。人受命于天。固超然異于羣生。故孔子
曰。天地之性。人爲貴。明于天性。知自貴于物。然後知仁
誼。知仁誼。然後重禮節。重禮節。然後安處善。安處善。然
後樂循禮。樂循禮。然後禮節重。禮節重。然後君子也。臣又聞之。聚少成
多。積小致鉅。故聖人莫不以曉致明。以微致顯。言出于
已。不可塞也。行發于身。不可掩也。言行治之大者。君子

之所以動天地也。故盡小者大，慎微者著，積善在身，猶長日加益，而人不知也；積惡在身，猶火之銷膏，而人不見也。此唐虞之所以得令名，而桀紂之可爲悼懼者也。夫樂而不亂，復而不厭者，謂之道。道者，萬世無疆，敝者道之失也。三王之道，所祖不同，非其相反，將以抹溢扶衰，所遭之變然也。故王者有改制之名，無變道之實。夏尚忠，殷尚敬，周尚文者，所繼之抹當用此也。道之大原出于天，天不變，道亦不變。是以禹繼舜，舜繼堯，三聖相受而守一道，亡抹敝之政也。繇是觀之，繼治世者其道同，繼亂世者其道變。今漢繼大亂之後，若宜少損周之文致，用夏之忠者，夫古之天下，亦今之天下，共是天下，以占準今。壹何不相逮之遠也？意者有所失于古之道與？有所詭于天之理與？夫天亦有所分予，予之齒者去其角，傅之翼者兩其足，是所受大者不得取小也。古之予祿者，不食于力，不動于末，是亦與天同意者也。身寵而載高位，家溫而食厚祿，因乘富貴之資，力以與民爭利于下，民日削月朘，浸以大窮，尚不避死，安能避罪？此刑罰之所以蕃，而姦邪不可勝者也。公儀子相魯，之其家，見織帛，怒而出其妻，食于舍而茹葵，慍而拔其葵，曰：「吾已食祿，又奪園夫紅女利乎？」古之賢人君子，在列位者，皆如是，是故下高其行而從其教，民化其廉而不貪鄙，豈可以居賢人之位，而爲庶人行哉？夫皇皇求財利，

嘗恐乏置者。庶人之意也。皇皇求仁義。惟恐不能化民者。大夫之意也。易曰。負且乘。致寇至。言居君子之位。而為庶人之行者。患禍必至也。若居君子之位。當君子之行。則舍公儀休之相魯。無可為者矣。春秋大一統者。天地之常經。古今之通誼也。今師異道。人異論。百家殊方。指意不同。是以上無以持一統。法制數變。下不知所守。臣愚以為諸不在六藝之科。孔子之術者。皆絕其道。勿使並進。邪辟之說滅息。然後統紀可一。而法度可明。民知所從矣。對既畢。上以仲舒為江都相。丞相衛綰因奏所舉賢良。或治申韓蘇張之言。亂國政。請皆罷之。奏可。仲舒少治春秋。為博士。下帷講誦。蓋三年。不窺園其精如此。進退容止。非禮不行。學士皆師尊之。及為江都王非易王相。王帝兄。素驕。好勇。仲舒以禮匡正。王敬重焉。嘗問曰。越王勾踐與大夫泄庸種蠡伐吳滅之。寡人以為越有三仁。何如。仲舒對曰。夫仁人者。止其誼。不謀其利。明其道。不計其功。是以

仲尼之門五尺之童羞稱五伯爲其先詐力而後仁誼

也。繇此言之則越未嘗有一仁也。王曰善。後公孫弘薛人

亦治春秋而希世用事。仲舒以公孫弘爲從諛弘嫉

之以膠西王于王端亦上兄尤縱恣數害吏言于上使仲

舒相之王素聞其賢善待之仲舒兩事驕王皆正身率

下教令國中所居而治及去位家居不問產業專以講

學著書爲事朝廷有大議使使就問之其對皆有明法

自帝卽位始崇儒及仲舒對策推明孔氏抑黜百家立

學校之官州郡舉茂材孝廉皆自仲舒發之年老以壽

夏六月丞相綰免以竇嬰封魏其侯魏其故城在爲丞相

田蚡長陵人王太后同母弟爲太尉趙綰代人爲御史大

夫王臧

蘭陵人

為郎中令迎申公

魯人

為大中大夫

上雅嚮儒術嬰蚡俱好儒推轂

謂升薦之若轉車轂也

趙綰為御

史大夫王臧為郎中令綰臧請立明堂

注見前

以朝諸侯

不能就其事乃言師申公

故楚王戊胥靡申公申公愧之歸魯以詩教弟子受業者

千餘人

上使使者奉安車蒲輪

用蒲裹其輪取其安也

東帛加璧下設

束帛上加以璧尊德也

迎之既至問治亂之事申公年八十餘對

曰為治者不在多言顧力行何如耳時上方好文詞見

申公對默然然已招致則以為大中大夫舍魯邸

漢制郡國

皆立邸議明堂巡狩改歷服色事

壬午二年冬十月淮南王安來朝

淮南王安好書善為文辭

作內書二十一篇外書甚眾又有中篇八卷言神仙黃白

術之至是入朝上以安屬為諸父而材高甚尊重之每宴

見談說昏暮然後罷

安雅善田蚡其入朝蚡迎之霸上與語曰上無太子王親高帝孫行

仁義天下莫不聞宮車一日宴駕非王尚誰立者安大喜厚遺蚡寶賂

趙綰王臧下吏自殺丞相嬰太尉蚡免申公免歸以石建

石衛石氏之別為郎中令石慶為內史

太皇太后好黃老言不悅儒術趙綰請毋奏事東宮

長樂

宮在東太后居之故曰東宮應劭曰禮婦人不預政事時帝已躬省萬幾太后又非五經故綰欲毋奏事太后

太后大怒求得綰臧過以讓上曰此欲復為新垣平也

上因廢明堂事及諸所欲興者下綰臧吏皆自殺嬰蚡

免申公亦以疾免歸初景帝以石奮

河內溫人少侍高祖其姊為美人因

徙長安及四子官皆二千石號奮為萬石君萬石君無

文學而恭謹無與比。子孫爲小吏來歸謁。必朝服見之。不名。有過失。不責讓。爲便坐。對案不食。然後諸子相責。因長老肉袒謝罪。改之。乃許。子孫勝冠者在側。雖燕居必冠其執喪。哀戚甚悼。子孫遵教亦如之。以故孝謹聞乎郡國。及是。綰臧獲罪。太后以爲儒者文多質少。今萬石君家不言而躬行。乃以其長子建爲郎中令。少子慶爲內史。建在上側。事有可言。屏人恣言。極切。至廷見。如不能言。上以是親之。慶爲太僕。御出。上問車中錢馬。慶策數馬。畢舉手曰。六馬。慶于兄弟最爲簡易矣。然猶如此。

春二月丙戌朔日食

三月以許昌

高祖功臣栢至侯許昌孫嗣侯爲太常

爲丞相

以衛青為大中大夫。

初上之為太子。館陶大長公主有力焉。以其女為太子

妃。及即位。妃為皇后。后驕妬。擅寵而無子。寵浸衰。上嘗

過平陽公主。帝姊。王太后出。悅謳者衛子夫。其出微。母

陽侯家僮。主因奉子夫送入宮。曰尊寵。陳皇后聞之。恚。幾死

者數焉。子夫同母弟青。字仲卿。其父鄭季。河東平陽人。

生。冒姓衛氏。為侯家騎奴。大長公主以子夫故。執囚青。

青。往篡取之。上召為建章。宮名。在上苑中。監侍中。已而以子夫

為夫人。青為大中大夫。

夏四月。有星如日。夜出。

癸卯三年。冬十月。中山王勝來朝。

時議多寃鼂錯之策。務摧抑諸侯王。數奏暴其過惡。吹毛求疵。諸侯王莫不悲怨。至是。諸王來朝。置酒。勝聞樂聲而泣。上問其故。勝具以吏所侵聞。上乃厚諸侯之禮。省有司所奏諸侯事。加親親之恩焉。

春。河溢平原。

注見前。

大饑。人相食。

顏師古曰。河溢之處。損害田畝。故饑。

秋。七月。有星孛于西北。

閩越擊東甌。遣使發兵救之。遂徙其衆于江淮間。

閩越發兵圍東甌。

初。吳王鼻太子駒亡走閩越。怨東甌殺其父。常勸閩越擊東甌。閩越從之。

東甌使人告急。上問田蚡。對曰。越人相攻擊。固其常。又

數反覆。自秦時棄不屬。不足以煩中國往救也。莊助

莊

諡爲氏助。吳人以賢。

曰。小國以窮困來告急。天子不救。

良對策。擢中大夫。

何以子舊國乎。且秦舉咸陽而棄之。何但越也。上曰。太尉不足與計。吾新即位。不欲出虎符。發兵郡國。乃遣助以節發兵會稽。會稽守欲距法。不為發。以法距之為助。無虎符驗也。乃斬一司馬喻意指。遂發兵浮海救東甌。未至閩越兵罷。東甌請舉國內徙。乃悉舉其眾處于江淮之間。

九月丙子晦日食。

帝始微行。起上林苑。

三輔黃圖苑周袤三百里。離宮七十所。

上招選天下文學材智之士。拔其俊異者寵用之。莊助

最先進。後又得朱買臣。

字翁子。吳人。

吾邱壽王。

吾音虞。晉有虞邱氏。壽王

字子贗。

司馬相如。

字長卿。成都人。

東方朔。

風俗通。伏羲之後。帝出。乎震。主東方。因氏

趙人。

枚臯。

枚氏。出周官銜枚氏。淮南校乘孽子。

終軍。

終氏。顯項裔。陸終之後。以

召為氏軍。字子雲。等並在左右。每令與大臣等辨論。中

外。謂卿大夫。相應以義理之文。大臣數紕焉。然相如

特以辭賦得幸。朔臯不根。持論好詆諧。上以俳優畜之。

惟助與壽王見任用。而朔時為直諫。有所補益。是歲上

始為微行。與左右善騎射者。期諸殿門。期門之號始此。以夜漏

下十刻始出。旦明入南山下馳射。至夕還。大驪樂之。是

後數出。私置更衣十二所。晝休更衣。夜則止宿。然上以道遠勞苦。

又為百姓所患。嘗從南山下。馳騫禾稼地。鄠杜令欲執之。示以乘輿物。乃得免。又嘗夜至栢谷。

逆旅主人疑為盜。聚少年欲攻之。主人嫗異。上狀貌止

其翁不聽。嫗飲翁酒醉而縛之。少年乃散去。栢谷在

縣西南。于是使大中大夫吾邱壽王除上林苑屬之

南山。東方朔諫曰。南山天下之阻。陸海謂陸產富饒。有同于海。之

區。今規以為苑。絕陂池水澤之利。而取民膏腴之地。上
乏國用。下奪農業。其不可一也。盛荆棘之林。大虎狼之
虛。讀作墟。壞人家墓。發人室廬。其不可二也。垣而囿之。騎

馳車驚。有深溝大渠。夫一日之樂。不足以危無隄之輿。

劉敞曰。不足之。不當作亦。隄。猶防也。言其不可三也。帝

車輿馳騁。不為防慮。必有顛覆之變。乃拜朔大中大夫給事中。加官。以給事中名。然遂起上林苑。

甲辰四年夏有風赤如血。

乙巳五年春置五經博士。

丙午六年夏五月太皇太后崩。合葬霸陵。

六月丞相昌免。以田蚡為丞相。

蚡驕侈。治宅甲諸第。田園極膏腴。多受四方賂遺。每入

奏事。坐語移日。所言皆聽。薦人或起家至二千石。權移

主上。上乃曰。君除吏已盡未。吾亦欲除吏。嘗請考工

少府

官地益宅。上怒曰。君何不遂取武庫。是後乃少退。

秋八月。有星孛于東方。長竟天。

閩越王郢攻南越。遣大行王恢

燕人

等將兵擊之。越人殺

郢降。兵還。南越遣太子嬰齊入宿衛。

閩越王郢興兵擊南越。南越守天子約。不敢擅舉兵。上

書以聞。上多其義。遣大行王恢出豫章。

漢郡治南昌。今南昌府南昌縣

是。大農令韓安國出會稽。俱為將軍。擊閩越淮南王安

上書諫。

略曰。越方外之國。剪髮文身之民。不可以冠帶

之國法度理也。自三代之盛。不受正朔。非濡不
能伏威。不能制。以為不居之地。不牧之民。不足以煩中
國也。今自相攻擊。而陛下發兵救之。是反以中國而勞

蠻夷也。臣聞天子之兵有征而無戰。言莫敢校也。如使越人微幸以逆執事。斷輿之卒。有一不備而歸。雖得越王之首。臣猶羞之。陛下以九州爲家。生民皆爲臣妾。天下之安。猶泰山而四維之也。蠻夷之地。何足以爲一日之間。而煩汗馬之勞乎。詩云。王猶允塞。徐方旣來。言王道甚大。而遠方懷之也。臣安竊恐將吏之以十萬之師爲一使。是時漢兵遂出。未踰嶺。閩越王郢發兵距險。其弟餘善與宗族謀。縱殺郢。使使奉其頭。致王恢。恢乃以便宜案兵。告安國。而使使奉王頭馳奏。詔罷兵。立無諸孫繇音搖。邑號。君丑爲越繇王。餘善旣殺郢。威行于國。繇王不能制。上聞之。以餘善不足復興師。立爲東越王。與繇王並處。使莊助諭意南越。南越王胡頓首曰。天子乃爲臣興兵討閩越。死無以報德。遣太子嬰齊入宿衛。助還過淮南。上又使助諭淮南王安。以討越事。嘉答其意。安

謝不及助遂與安相結而還

以汲黯

字長孺。濮陽人。胡三省曰。黯之先世為衛大夫。蓋食采于汲。遂以為氏。

為主爵都尉

初黯為謁者東越相攻上使黯往視之至吳還報曰越

人相攻固其俗然不足以辱天子使河內

漢郡治懷。懷注見前。失

火延燒千餘家上使黯往視之還報曰家人失火屋比

延燒不足憂也臣過河南

漢郡注見前。

貧民傷水旱萬餘家

或父子相食臣謹以便宜持節發倉粟以賑之臣請歸

節伏矯制之罪上賢而釋之已遷為東海

漢郡治郯今山東沂州府

郯城縣是

太守黯好清靜擇丞史

漢制郡守屬有丞有諸曹掾史

任之責大

指不苟小臥閣不出歲餘東海大治上聞召為主爵都

尉時天子方招文學嘗曰吾欲云云黯曰陛下內多欲

而外施仁義奈何欲效唐虞之治乎。上怒罷朝。謂左右曰。甚矣。汲黯之戇也。羣臣或數黯。黯曰。天子置公卿輔弼之臣。寧令從諛承意。陷主于不義乎。且已在其位。縱愛身。奈辱朝廷何。黯多病。賜告休假曰告。賜告。天子優賜其告也。者數終不愈。最後莊助爲請。上曰。汲黯何如人。助曰。使黯任職居官。無以踰人。至其輔少主。守城深堅。謂志操深遠堅固。招之不來。麾之不去。雖賁育。孟賁。夏育。皆衛力士。不能奪之矣。帝曰。然古有社稷之臣。至如黯近之矣。黯以嚴見。憚大將軍丞相燕見。上或不冠。至黯不冠不見也。上嘗坐武帳。黯前奏事。上不冠。避帳中。使人可其奏。其敬禮如此。

丁未元光元年冬十一月。初。令郡國舉孝廉各一人。

從董仲舒對策之言也。

士卒樂李廣之寬而苦程
不識之嚴蓋以李之將略
本優于程所謂神而明之
存乎其人耳若論行軍之
常經則紀律森嚴自當以
程為正

以李廣程不識程伯休父封于程其後以邑為氏為將軍將兵屯北邊

廣與不識俱以將兵有名當時廣行無部曲行陳就善

水草舍止人人自便不擊刁斗孟康曰以銅作鐃受一斗晝炊飲食夜擊持行

故曰刁斗鐃音以自衛莫府省約文書然亦遠斥候斥候望也所以偵伺盜賊

未嘗遇害不識正部曲行伍營陳擊刁斗

治軍簿至明軍不得休息亦未嘗遇害然匈奴畏李廣

之略士卒亦多樂從廣而苦程不識

秋七月癸未日食

戊申二年冬十月始親祠竈五祀夏所祭其神祝融遣方士求神仙

李少君以祠竈却老方見上上尊之少君者故深澤侯

高祖功臣有深澤侯趙將父舍人匿其年及所生長善為巧發奇中

王恢不主和親之議請擊匈奴論者或以妄動啟釁罪之非也觀其所言原不敢發兵深入不過欲誘致

嘗從武安侯宴坐中有老人九十餘少君乃言與其大父游射處老人爲兒時從大父識其處一坐盡驚及見上上有故銅器問少君少君曰此器齊桓公十年陳于桓寢已而案其刻果然于是上大駭以少君爲數百歲人也言上曰祠竈則致物謂鬼物而丹砂可化爲黃金蓬萊仙者可見見之以封禪則不死于是天子始親祠竈遣方士入海求蓬萊安期生琅邪人秦時賣藥海邊人言其千歲少君爲上言安期生嘗食臣棗之屬而事化丹砂諸藥齊才計反藥爲黃金大如瓜久之少君病死天子以爲化去不死而海上燕齊怪迂之士多更來言神仙事矣時又有亳人謬忌奏祠太一五帝上爲立祠長安東南郊太一天帝之別名中宮天極星其一明者太一常居也五帝太微垣五帝座也夏六月遣間誘匈奴入塞將軍王恢等伏兵邀之不獲恢以罪下吏自殺

單于僥倖成功先已氣餒而計左矣卒之畏懦不前損威辱國果斷如武帝惜不能明正其罪而誅之聞而自殺猶漏網耳

先是匈奴請和親上下其議大行王恢請舉兵擊之御

史大夫韓安國以為不如和親羣臣多附安國議遂許

之至是鴈門馬邑豪聶翁壹聶注見前翁者老人之稱壹名因恢言匈

奴初和親可誘以利伏兵襲擊必破之上召問公卿恢

及安國更相詰難恢曰陛下之威海內為一而匈奴侵

擊之便安國曰臣聞高皇帝常圍于平城七日不食及

解圍反位而無忿怒之心聖人以天下為度不以已私

怒傷天下之公故結和親至今為五世利臣竊以為勿

擊便恢曰不然高皇帝所以不報平城之怨者非力不

能所以休天下之心也今邊境數驚士卒死傷中國轉

車相望此仁人之所隱也故曰擊之便安國曰不然臣

聞用兵者以飽待饑常坐而役敵國今將卷甲輕舉深

入長驅從行則迫脅衡行則中絕疾則糧乏徐則後利

兵法曰遺人獲也臣故曰勿擊便恢曰不然臣言擊之

者非發而深入也將順因單于之欲誘而致之邊吾選

梟騎陰伏而處審遮險阻或營其左或營其上從恢議

右或當其前或絕其後單于可禽百全必取

上從恢議

六月以韓安國李廣王恢為將軍將車騎材官三十餘

萬匿馬邑傍谷中使聶翁壹亡入匈奴謂單于曰吾能

斬馬邑令丞以城降財物可盡取單于信之以十萬騎

入武州

漢縣故城在山西朔平府左雲縣

塞未至馬邑百餘里見畜布

野而無人牧者乃攻亭得鴈門尉史

漢近塞郡皆置尉每百里尉史二人

欲殺之尉史具告單于漢兵所居單于大驚曰我固疑

之乃引兵還

單于曰吾得尉史天也以為天王

漢兵追至塞弗及乃皆

罷兵始王恢主別從代擊虜輜重及聞單于還兵多亦

不敢出上怒下恢廷尉廷尉當恢逗撓當斬

恢行千金田蚡蚡言

于太后曰王恢首為馬邑事今不成而誅恢是為匈奴報仇也太后以告上上曰首為馬邑事者恢故發天下兵數十萬從其言為此且縱單于不可得恢所部擊其輜重猶頗可得以慰士大夫心今不誅恢無以謝天下

恢遂自殺。自是匈奴絕和親。往往入盜邊。不可勝數。然

尚貪樂關市。嗜漢財物。漢亦通關市。不絕以中之。

巳酉三年春。河徙頓邱。漢縣本春秋衛邑。注見前。夏決濮陽。漢東郡治。注見前。黃河自

周定王五年。後至是再徙。

春。河水徙從頓邱東南。禹貢錐指。河水徙從頓邱東南。是一句。通鑑考異。以頓邱屬東

郡。勃海三字。蓋誤以東南二字屬下讀也。流入勃海。禹貢錐指。頓邱決口。及入海處。溝洫志不載。不可得聞。今以水經

注考之。北濱初經頓邱縣西北。至是改流。過其縣東南。歷畔觀至東陽武。奪漯川之道。東北至于乘入海者也。

畔觀。今山東觀城縣。東陽武。今山東朝城縣。俱屬曹州府。干乘。漯。夏復決濮陽瓠子。

在開州南。亦曰瓠子口。注見前。禹貢錐指。漯川狹小。不

能容。故其夏又自長壽津溢而東。注鉅野。在曹州府鉅野縣北。即古

以決于濮陽。長壽津。注見前。汎郡十六。天子使汲黯鄭當

大野澤。通淮泗。此黃河入注見前。

時字莊。陳人。發卒十萬塞之。輒復壞。是時田蚡奉邑食鄒。漢縣。

故城在今山東濟南府平原縣。居河北。河決而南。則鄒無水災。邑多收。

因言于上曰。江河之決。皆天事。未易以人力彊塞。望氣

者亦以為然。于是久不塞。禹貢錐指。河既決瓠子。東南通淮泗。于是北瀆之流微。漂

川之水涸矣。

庚戌四年冬十二月晦。殺魏其侯竇嬰。春三月。田蚡卒。

初。孝景時。竇嬰為大將軍。田蚡乃為諸郎。已而蚡日益

貴幸。嬰失執。賓客益衰。獨故燕相灌夫。字仲儒。潁陰人。父張孟為潁陰

侯。嬰舍人。遂不去。嬰乃厚遇夫。相為引重。夫為人剛直。冒姓灌氏。

使酒。諸有執在已之右者。必陵之。故與田蚡有隙。蚡奏

夫家在潁川橫甚。夫宗族賓客為姦利。潁川兒歌之。請曰。潁水清。灌氏寧。潁水濁。灌氏族。

治之上曰。此丞相事。何請。夫亦持蚡陰事。受淮南王金。

與語言。

事具前。

賓客居間。遂解。未幾。蚡取燕王女爲夫人。

太后詔列侯宗室皆往賀。嬰彊夫與俱往。夫因行酒罵

坐。

夫行酒至蚡。蚡不肯滿觴。夫無所發怒。適臨汝侯灌賢與程不識耳語。夫乃罵曰。生平鄙程不識。不直一

錢。今日長者爲壽。乃效女兒曹咕囁耳語邪。

蚡大怒。令騎縛夫。繫居室。署名屬少

府。遂其前事。

遂。竟也。竟前所奏夫事。

遣吏分曹逐捕諸灌氏支屬。

皆得棄市罪。夫旣繫。不得言蚡陰事。嬰乃上書論救。得

見上。具言灌夫醉飽事。不足誅。上以爲然。令東朝。

太后朝。

廷辯之。嬰與蚡因互相詆訐。上問朝臣。兩人孰是。惟汲

黯是嬰。韓安國兩以爲是。鄭當時是嬰。後不敢堅。上怒。

當時曰。公今日廷論。局趣效轍下駒。吾并斬若屬矣。卽

罷起入上食太后太后怒不食曰吾在也而人皆藉猶

也吾弟令我百歲後皆魚肉之乎上不得已遂族灌夫

使有司案治嬰得棄市罪景帝時嬰嘗受遺詔曰事有不

使昆弟子上書言之書奏案尚書大行無遺詔及是事急

詔書獨藏嬰家乃劾嬰矯先帝詔罪當棄市遂于十

二月晦論殺之張晏曰著日月者見春垂至恐遇春田

蚡亦卒蚡疾一身盡痛若有擊者上使視鬼者瞻嬰蚡

之曰魏其侯與灌夫共守笮欲殺之竟死嬰蚡

夏四月隕霜殺草

五月以薛澤高祖功臣薛歐之為丞相

地震

辛亥五年冬十月河間王德來朝獻雅樂對詔策春正月還國卒

河間王德修學好古實事求是

務得其實每求真是也

以金帛招

求四方善書得書多與漢朝等時淮南王亦好書所招

致率多浮辯王所得皆古文先秦

猶言秦先

舊書

王得周官有五篇失

冬官募以千金不得取考工記補之禮古經出魯淹中

王收集餘燼獻之趙人毛萇善詩自云子夏所傳作詁訓傳王好之其他若尚書禮記孟子左氏春秋之屬皆經傳說記七十子之徒所論其學舉六

藝

謂六經

修禮樂被服儒術造次必于儒者山東諸儒多

從之遊是歲十月來朝獻雅樂對三雍宮

應劭曰辟雍明堂靈臺也

胡三省曰對三雍之及詔策所問三十餘事推道術而制度非對于三雍宮

言得事之中文約指明天子下太樂官

屬太常

存肆王所

獻雅聲。歲時以備數。然不常御也。正月王歸國。薨。中尉以聞。大行令奏諡曰獻。

通南夷。置犍爲郡。

初治犍。今貴州遵義府遵義縣是。後徙治犍道。今四川敘州府宜賓縣是。

西夷。置一都尉。

初王恢之討東越也。使番陽

漢縣。今曰鄱陽。屬江西饒州府。

令唐蒙風

喻南越。南越食蒙以蜀枸醬。

枸。一作蒟。音矩。草類。緣木而生。子如桑椹。熟時正青。

以蜜藏而食之。

蒙問所從來。曰。道西北牂牁江。

一作牂牁。水。其上流爲

今貴州之盤江。逕廣西南寧府。爲左江。至潯州府。合右江。卽黔江。亦導源貴州入廣東境。爲西江。下番禺入海。

牂牁江廣數里。出番禺城下。蒙歸。問蜀賈人。賈人曰。獨

蜀出枸醬。多持竊出市。夜郎。

今貴州以西。南籠諸府地。古爲夜郎國。漢置縣。唐始

移縣于珍州。今遵義縣桐梓縣是。

夜郎臨牂牁江。

牂牁。繫船杙也。楚莊躋伐夜郎。桡船于岸。

而步戰。既滅夜郎。以江有江廣百餘步。南越以財物役船柯處。乃改名曰牂牁。

屬之。然亦不能臣使也。蒙乃上書曰。南越東西萬餘里。

從長沙豫章往。水道多絕。竊聞夜郎精兵可十餘萬。浮

船牂牁。出其不意。此亦制越一奇也。請通夜郎道。為置

吏。上乃拜蒙中郎將。將千人。從笮關今四川雅州府清溪縣。古笮都國。其

東北有大關山。即邛崃坂也。入。遂見夜郎侯多同。侯以竹為姓。其厚賜

之。喻以威德。約為置吏。多同貪漢繒帛。以為道險。漢終

不能有。乃且聽約。蒙還報上。以為犍為郡。發卒治道數

萬人。卒多物故。有逃亡者。用軍興法誅之。巴蜀民大驚

恐。上使司馬相如責蒙。因喻告巴蜀民。以非上意。相如

還報。時邛今四川寧遠府。古邛都國。笮注見上。君長聞南夷得賞賜多。

欲請吏上問相如。相如曰：「邛笮冉駹，冉駹今四川茂州，是近

蜀易通，為置郡縣，愈于南夷。」上乃拜相如中郎將，建節

往使，因巴蜀吏幣物以賂西夷，皆請為內臣，除邊關關

益斥。言廣也。西至沫，即青衣水，出雅州府天全州，入江。若水，即

水。注見前。南至牂牁，為徼，通零關道。零一作靈，漢書地理志：靈關道屬越嶲郡。越

嶲，今寧遠府。橋孫水，水經注：孫水出臺登縣，一名白沙江，以

通邛都，為置一都尉，十餘縣屬蜀，上大悅。

秋七月，皇后陳氏廢。

后以祠祭厭勝媚道，事覺，冊收璽綬，退居長門宮。竇太

主，即館陶長公主。慙懼，稽顙謝。上慰諭之。初，上嘗置酒，主家主

見所幸賣珠兒董偃，上使之侍飲。稱為主人，翁而不名。常從遊戲。

朝以詠諧待漢武卽其自
稱亦不過從容談笑避世
金馬門耳乃能盡言直諫
侃侃不阿非莊助輩所及
安得以滑稽少之

馳逐觀雞鞠

謂鬪雞蹋鞠之戲

角狗馬上樂之因爲主置酒宣

室使謁者引內偃中郎東方朔辟戟

謂以戟置地

而前曰董

偃有斬罪三安得入乎上曰何也朔曰偃以人臣私侍

公主一也敗男女之化亂婚姻之禮傷王制二也陛下

富于春秋方積思于六經而偃以靡麗奢侈道淫辟之

路乃國家之大賊人主之大賊

一曰短狐亦曰射工南方淫氣所生三也

上默然良久曰吾業已設飲後而自改朔曰不可夫宣

室者先帝之正處也非法度之政不得入焉淫亂之漸

其變爲篡上曰善詔置酒北宮

在未央宮北

引偃從東司馬

門入賜朔黃金三十斤偃寵由是日衰

詔大中大夫張湯

杜陵人

中大夫趙禹

潁川人

定律令

湯禹務在深文。拘守職之吏。蘇林曰：拘刻于因循，于是

始作見知法。

張晏曰：吏見知人犯法，不舉告，為故縱，以其罪罪之。

八月。螟。

以公孫弘為博士。

是時徵吏民有明當時之務，習先聖之術者，縣次續食。

音嗣。令各縣依次第接續，供養飲食。

令與計偕。

計者，上計簿使也。偕，俱也。令所徵者與上計使者偕。

來。菑川公孫弘對策。

略曰：臣聞堯舜之時，不貴爵賞而民勸善，不重刑罰而民不犯。躬率

以正，而遇民信，也是故因能任官，則分職治，去無用之言，則事情得，不作無用之器，則賦斂省，不奪民時，不妨民力，則百姓富，有德者進，無德者退，則朝廷尊，有功者上，無功者下，則羣臣遠，罰當罪，則奸邪止，賞當功，則臣下勸。凡此八者，治之本也。臣又聞之：氣同則從，聲比則應，人主和德于上，百姓和合于下，故心和則氣和，氣和則形和，形和則聲和，聲和則天地之和應矣。太常奏第居下，上特擢為第一。

拜博士待詔金馬門

宦署門也。時有善相馬者東門京。鑄銅馬獻之。詔立馬于魯班門。故

更名金馬門。

時齊人轅固年九十餘亦以賢良徵謂曰公孫

子務正學以言無曲學以阿世諸儒多疾毀固遂以老
罷歸。

壬午六年冬初算商車

春穿渭渠

亦曰漕渠在西安府城南水經注漢漕渠自昆明池南傍山原東至于河。

大司農鄭當時言穿渭為渠下至河漕關東粟徑易又
可以溉渠下民田萬餘頃詔發卒數萬人穿之三歲而
通人以為便

匈奴寇上谷

注見前。

遣車騎將軍衛青等擊却之

匈奴入上谷遣衛青及公孫賀公孫敖

皆義渠人。

李廣四將

軍擊之。李廣軍敗爲匈奴所得。置兩馬間。絡而盛卧。廣佯死。覘其旁。有一兒騎善馬。暫騰而上。兒馬推墮。兒奪其弓。鞭馬南馳。遂得歸。下吏當死。贖爲庶人。兩將軍亦無功。惟青得首虜多。賜爵關內侯。青雖出于奴虜。然善騎射。材力絕人。遇士大夫以禮。與士卒有恩。衆樂爲用。故每出輒有功。

丑癸元朔元年冬十一月。定二千石不舉孝廉罪法。

詔曰。朕深詔執事。興廉舉孝。庶幾成風。紹休聖緒。夫十室之邑。必有忠信。三人並行。厥有我師。今或至闔郡而不薦一人。是化不下究。而積行之君子。壅于上聞也。且進賢受上賞。蔽賢蒙顯戮。古之道也。其議二千石不舉

者罪。有司奏。不舉孝。不奉詔。當以不敬論。不察廉。不勝任也。當免。奏可。

子據生。

即展太子。

立夫人衛氏為皇后。

帝未有子。是年衛夫人始生子據。遂立為后。

帝得皇子甚喜。為立

祿。使東方朔。枚臯。作祿祝。后立。臯為奏賦。以戒終。

秋。匈奴入寇。以李廣為右北平。

漢郡。治平剛。故城在今熱河八溝界。

太守。

廣在郡。匈奴號曰漢飛將軍。避之。數歲不入界。

初。廣居藍田。

南山。嘗夜從人田間飲。還至亭。霸陵尉醉。阿止廣。廣騎曰。故李將軍。尉曰。今將軍尚不得夜行。何故也。宿廣亭下。居無何。廣拜右北平。請尉與俱。至軍而斬之。上書自

陳。帝弗罪也。廣猿臂善射。嘗出獵。見草中石。以為虎而射之。中石沒矢。視之。石也。

他日射之。終不能入矣。

歲。

即歲。猶今奉天府鳳凰城東及朝鮮國之江原道。皆其地也。

君降置蒼海郡。

霸陵尉阿止李廣所為盡官守之職。著其論甚正。不可謂醉言。廣乃請而殺之。器小醜法。莫此為甚。武帝英明。似不應聽其出此射石之事。隣于虛。以資名談。可耳。余以為不宜入五史。

歲君南閭

名歲君

等率口二十八萬詣遼東

漢郡治展平故城在今奉

天府遼陽州北

內屬詔以其地置蒼海郡人徙之費擬于南夷

數年乃罷

以主父偃

趙武靈王自號主父支庶因以為氏

嚴安徐樂為郎中

主父偃臨淄人始遊齊燕趙皆莫能厚遇乃西入關上

書闕下朝奏幕召入所言九事其八事為律令一事諫

伐匈奴

其略曰昔秦吞戰國務勝不休使蒙恬將兵北伐辟地千里天下飛芻輓粟起于負海轉輸北

河男子疾耕不足于糧餉女子紡績不足于帷幕百姓靡敝天下始叛夫匈奴難得而制非一世也行盜侵驅

天性固然虞夏商周固弗程督今不上觀虞夏商周之統而下循近世之失此臣之所大憂百姓之所疾苦也

時偃同郡嚴安以故丞相史上書

略言今天下人民用財侈靡臣願為制度

以防其淫又今徇南夷朝夜郎降羌焚略葳州建城邑深入匈奴之境燔其龍城議者美之此人臣之利非天

下之長策也。無終徐樂亦上書。略言。天下之患。在土崩。不在瓦解。何謂土崩。秦之末世。是

也。何謂瓦解。吳楚七國之兵。是也。此二體者。安危之明要也。間者。關東數不登重。以邊境之事。民宜有不安其

處者矣。不安故易動。易動者。土崩之執也。故賢主獨觀萬化之原。修之廟堂之上。而銷未形之患。期使天下無

土崩之執而已矣。書奏。上召見。謂曰。公等皆安在。何相見之晚。

也。皆拜為郎中。三人惟偃尤親幸。一歲四遷為中大夫。大臣畏其口。賂遺累千金。或謂偃曰。太

橫矣。偃曰。吾生不五鼎食。死即五鼎烹耳。

甲寅 二年春正月。詔諸侯王得分國邑。封子弟為列侯。

主父偃說上曰。古者諸侯不過百里。今或連城數十。地

方千里。緩則驕奢。易為淫亂。急則阻彊。合從以逆京師。

以法割削之。則逆節萌起。前日黠錯是也。今諸侯子弟

或十數。而適嗣代立。餘無尺地之封。則仁孝之道不宣。

主父偃建議分國與賈誼
眾建諸侯之意同然叔世
風漓鬪爭兼併豈益滋
耳

願陛下令諸侯得推恩分子弟以地侯之。彼人人喜得所願。上以德施，寔分其國，不削而稍弱矣。上從之。

匈奴入寇，遣衛青等將兵擊走之，遂取河南地，立朔方郡。

故城在今鄂爾多斯右翼後旗。

匈奴入上谷、漁陽。

漢郡，治漁陽。今順天府密雲縣是。

遣衛青、李息、郁郅人。

出雲中以西，擊走白羊樓煩王，遂取河南地，詔封青為

長平。

漢縣，故城在今河南陳州府西華縣東北。

侯。主父偃言：「河南地肥饒，外

阻河，城之以逐匈奴，可省轉戍，廣中國。」公卿皆言不便。

上竟用偃計，立朔方郡，募民徙者十萬口，築城繕塞。因

河為固。

榆林志：黃河自寧夏西折而北，經三受降城南，至廢東勝州西，折而南入府谷縣境，其中謂之

河套，迴環數千里。

費數十百鉅萬。

三月乙亥晦日食

徙郡國豪傑于茂陵

帝陵邑在今西安府興平縣東北

武帝之徙解及公孫弘之罪解可謂能癉惡者若司馬遷於游俠一傳津津樂道則以刑餘憤激助淫辭而裂名教矣

主父偃言茂陵初立天下豪傑并兼亂眾之民皆可徙置內實京師外銷姦猾所謂不誅而害除上從之軹人郭解關東大俠也在徙中衛青為言郭解家貧不中徙上曰解布衣權至使將軍為言此其家不貧卒徙解家解生平睚眦殺人甚眾上聞之下吏捕治所殺皆在赦前軹有儒生侍使者坐客譽郭解生曰解專以奸犯公法何謂賢解客聞殺此生斷其舌吏以此責解解實不知吏奏解無罪公孫弘議曰解布衣為任俠行權以睚眦殺人解雖不知此罪甚于解殺之當大逆無道遂族

郭解。

齊王次昌有罪。自殺。國除。誅齊相主父偃。夷其族。

主父偃嘗欲納女于齊王。王不許。偃因上言。臨淄殷富。

非親愛子弟不得王。今齊王屬疏。又與姊亂。與紀翁請主通。

治之。于是拜偃為齊相。偃至齊。急治王後宮宦者。辭及

王。王懼。自殺。偃始為布衣時。遊齊及燕趙。既貴。首發燕

王彭祖恐。上書告偃受諸侯金。以故諸侯子弟多得封者。上聞大怒。囚偃下吏。偃辭

不服。上欲勿誅。公孫弘曰。齊王自殺。國除。偃本首惡。不

誅。無以謝天下。乃族誅之。

以孔臧。孔子後高祖功臣。為太常。參侯叢子。嗣為侯。

上欲以孔臧為御史大夫。臧辭曰。臣世以經學為業。乞

為太常典臣家業與從弟侍中安國孔子十二世孫以治尚書為侍中。

綱紀古訓使永垂後嗣帝從之其禮賜如三公。

乙卯三年以張騫漢中人為大中大夫

初匈奴降者言月氏故居敦煌漢縣唐建中後廢今祁復置屬甘肅安西府

連即天山匈奴呼天曰祁連山在今甘肅安西府張掖縣西

西又西際于葱嶺蓋數千里考祁連有南北之分此為南祁連即漢書西域傳所謂南山也其北祁連在今

哈密城北自葱嶺分支蜿蜒而東最高者曰博克達山

其餘隨地易名延袤亦數千里即西域傳所謂北山也

杜佑通典自張掖以西至于庭州山間為彊國匈奴攻

破之殺月氏王以其頭為飲器餘眾逃遁遠去怨匈奴

無與共擊之上募能通月氏者張騫以郎應募出隴西

張騫由隴西而大宛而康居而月氏皆行數十日發譯傳致乃達其道均自東

而西確然無疑者乃史稱大宛去長安萬二千五百五十里康居在大宛西反僅萬二千三百里月氏更在康居西乃止萬一千六百里是其行愈遠其道轉近理所必無亦鑿鑿荒誕之一証也

大宛

西域國治貴山城去長安萬二千五百五十里

大宛為發譯道抵康居

亦西

域國

治樂越縣地到卑闐城去長安萬二千三百里

傳致大月氏

治監氏城去長安萬一千六百

里大月氏太子為王臣大夏

亦西域國在大宛西南二千餘里嬌水南本無大君

長兵弱畏戰故月氏徙來皆臣之

而君之

居嬌水北

地肥饒少寇殊無報胡

之心騫留歲餘竟不能得月氏要領乃還復為匈奴所

得會匈奴亂騫乃逃歸帝拜為大中大夫

騫初行時百餘人去十三

歲唯二人得還

夏六月皇太后崩

合葬陽陵

秋以張湯為廷尉

湯為人多詐舞智以御人時上方鄉文學湯陽浮慕事

董仲舒等以兒寬

兒本鄆以國為氏其後去邑寬千乘人

為奏讞掾以古

法義決疑獄。所治。卽上意所欲罪。予監史。廷尉有左監史。右監獄史。深

刻者。卽上意所欲釋。予監史輕平者。上繇是悅之。湯于

故人子弟。調護之尤厚。其造請諸公。不避寒暑。是以得

聲譽。汲黯數質責湯于上前。曰。公爲正卿。上不能褒先

帝之功業。下不能抑天下之邪心。何空取高皇帝約束

紛更之爲。黯時與湯論議。湯辯常在。文深小苛。黯伉厲

守高。不能屈。忿發罵曰。天下謂刀筆吏不可以爲公卿。

果然。必湯也。令天下重足而立。側目而視矣。

丁巳五年十一月。丞相澤免。以公孫弘爲丞相。封平津。鄉名。在直

隸天津府。鹽山縣南。侯。

丞相封侯自此始。漢常以列侯爲丞相。此則旣相而後封。時上方興功業。

丞相于是開東閣以延賢人與參謀議。丞相身食一肉。

給故人賓客。然其性意思外寬內深。諸嘗有隙無近遠。

雖陽與善。後竟報其過。汲黯每面觸之。黯嘗與約議。至上前。悉背黯約。

以順上旨。黯廷詰其多詐不忠。乃陽謝曰。因欲誅之以知臣者。以臣為忠。不知臣者。以臣為不忠。

事請徙黯為右內史。景帝二年。分置左右內史。右內史部中多貴人。

宗室難治。黯居數歲。官事不廢。丞相請禁民毋得挾弓弩。上下其議。吾邱壽王

對曰。臣聞古者作五兵。以禁暴討邪。聖王合射以明教。未聞弓矢之為禁。且所謂禁者。以盜賊之攻奪而大姦

之于重誅。固不避也。臣恐邪人挾之而吏不能止。良民以自備而抵法禁。是擅賊威而奪民救也。大不便。于是

丞相細服。

春。匈奴寇朔方。遣衛青率六將軍擊走之。還以青為大將

軍。

匈奴右賢王數侵擾朔方。天子令車騎將軍青將三萬

騎出高關。

通典高關在陰山西北。今吳喇忒西北。

將軍蘇建

杜陵人。封平陵侯。為

衛尉。李沮

雲中人。為左內史。

公孫賀

為太僕。

李蔡

廣從弟。為代相。

俱出朔方。

李息

為大行。

張次公

河東人。封岸頭侯。

俱出右北平。右賢王以為

漢兵遠不能至。飲醉。青等夜至。圍之。右賢王驚潰。圍北

去。得裨王

小王。猶裨將也。

十餘人。眾男女萬五千人。畜數十百

萬。于是引兵還。天子使使者即軍中拜青為大將軍。諸

將皆屬焉。益封青八千七百戶。三子皆為列侯。

仇為宜。春侯不

疑為陰安侯。登為發干侯。

青固謝讓功。諸將上乃封諸將校尉侯者

七人。

公孫敖為合騎侯。韓說為龍額侯。公孫賀為南窋侯。李蔡為樂安侯。李朔為涉軹侯。趙不虞為隨成

侯。公孫戎奴為從平侯。

青尊寵于羣臣。無二公卿以下。皆卑奉之。

獨汲黯與亢禮。或說黯曰：「大將軍尊重，不可以不拜。」黯曰：「以大將軍有揖客，反不重邪？」青聞，愈賢黯，數請問國家朝廷所疑，遇黯如于平日。

夏六月，爲博士置弟子五十人。

詔曰：「蓋聞導民以禮，風之以樂。今禮壞樂崩，朕甚閔焉。其令禮官勸學興禮，以爲天下先。于是丞相平津侯等

奏請爲博士官置弟子五十人。

太常擇民年十八以上儀狀端正者補博士弟子

子郡國二千石謹察可者常與計偕詣太常受業如弟子

一歲輒課第其高下以補

郎中文學掌故

漢舊儀博士弟子試射策中甲科補郎中乙科補掌故掌故治禮之官主故事

者以有文學習禮儀者爲之故名

卽有秀才異等輒以名聞其不事學

若下材輒罷之。又吏通一藝以上者請皆選擇以補右

職

謂中二千石二千石卒史也

上從之自此公卿大夫士吏彬彬多

文學之士矣

戊午

六年夏四月衛青率六將軍

公孫敖公孫賀趙信蘇建李廣李沮

擊匈奴

前將軍趙信

故匈奴小王降漢封翕侯

敗降匈奴

衛青率六將軍再出

四月定襄

漢郡治成樂故城在今歸化城南

前後

斬首虜萬餘人右將軍建前將軍信并軍逢單于兵與

戰一日餘漢兵且盡信將其餘騎降匈奴建盡亡其軍

脫身自歸大將軍議郎周霸曰自大將軍出未嘗斬裨

將今建棄軍可斬以明威青曰青幸得以肺腑待罪行

間不患無威職雖當斬將然以臣之尊寵而不敢自擅

誅于境外予以見為人臣不敢專權不亦可乎遂囚建

詣行在所。詔贖為庶人。青姊子霍去病。平陽吏霍仲孺給事平陽侯家。

與衛少兒私通。生去病。少年十八。善騎射。為票姚。讀作飄搖。兒以皇后貴。更為陳掌妻。

校尉與輕勇騎八百。直棄大軍數百里赴利。謂奔趨。便利。斬

捕首虜過當。謂所將人數少。而斬首及捕獲數多。過于所當。于是封為冠軍。河

南。南陽府鄧州有冠軍城。去病所封以功。冠諸軍。故名。侯校尉張騫以知本草處。

軍得不乏。封博望。漢縣。今為驛。侯是歲失兩軍。亡翁侯。在南陽縣北。侯以故大將軍。不益封。

止。賜千金。單于既得翁侯。以為自次王。信教單于益北。絕幕。以誘罷漢兵。徼極而取之。毋近塞。單于從之。

六月。置武功爵。臣瓚曰。茂陵中書有武功爵。一級曰造士。

士。五級曰官首。六級曰秉鐸。七級曰千夫。八級曰樂卿。九級曰執戎。十級曰政戾。庶長。十一級曰軍衛。此武帝所置。

以寵軍功。

詔曰。五帝之教不相復。而治禹湯之法不同道。而王所

繇殊路而建德一也。今中國一統而北邊未安。朕甚悼

之。日者大將軍攻匈奴。斬首虜。受爵賞。而欲移賣者。無

所流貶。

顏師古曰。貶。物之重次第也。言欲移賣爵而無有差次。不得流行也。

其議爲令。是時

歲擊匈奴。大司農經用既竭。故爲此詔。

有司奏請令民得買爵。及贖禁錮

免臧罪。置賞官。名曰武功爵。級十七萬。凡直三十餘萬

金。

胡三省曰。賣爵一級。爲錢十七萬。自以上。每級加二萬萬錢一金。合成三十餘萬也。

諸買武

功爵。至千夫者。得除爲吏。吏道雜而多端。官職耗廢矣。

已未元狩元年。冬十月。祠五時。獲一角獸以燎。始以天瑞紀

元。

行幸雍。祠五時。獲獸一角。而足有五蹄。有司言。陛下肅

祇郊祀。上帝報享。錫一角獸。蓋麟云。于是以薦五時。時

加一牛以燎。

時以爲獲白麟。乃作白麟之歌。又得奇木。其枝旁出。輒復合于木上。上異此二物。博

謀羣臣。終軍上對曰。野獸并角。明同本也。衆枝內附。示無外也。若此之應。將有創左袵。要衣裳。而蒙化者焉。對

奏。由是始有司奏言。元宜以天瑞命。一元曰建。二元以議改元。

長星曰光。今元以郊得一角獸曰狩云。

淮南王安。衡山王賜。謀反自殺。

初。淮南王安招致賓客。多江淮間輕薄士。常以厲王遷

死感激安。安乃治戰具。積金錢。郎中雷被

雷氏。出古。方雷氏後。

罪于太子遷。

被善用劍。太子召與戲。誤中太子。故得罪。

時有詔欲從軍者。輒

詣長安。被卽願奮擊匈奴。安斥免之。被遂亡之。長安上

書白明。事下廷尉治。蹤跡連安。上遣中尉卽訊安。太子

遷欲使人刺殺中尉。不果。

遷恐漢使卽逮安。乃使人衣衛士衣。持戟居安旁。漢使有

非是者。即刺殺之。因發兵反。中尉至。安視其顏色。和遂不發。公卿奏。安格明詔。當棄

市。詔削二縣。安耻之。為反謀益甚。衡山王賜與安故不

相能。賜聞安有反謀。恐為所并。亦結賓客。使陳喜等作輜車。毀矢。刻天子璽。將相軍吏印。當入朝。

過淮南。乃昆弟語。除前隙。約束反具。遂謝病不朝。安數

召中郎伍被。楚人。與謀反事。被始以為不可。安固問之。被曰。今諸侯無異心。百姓

無怨氣。可偽為詔。徙郡國豪傑于朔方。又偽為詔獄書。逮諸侯太子幸臣。使民怨諸侯。懼即使辯士隨而說之。

儻可微倖。欲使人偽得罪而西事大將軍青。因即刺殺

之。且曰。漢廷大臣。獨汲黯好直諫。守節死義。難惑以非。

至如說丞相。等。如發蒙振落耳。韋昭曰。言如發去物上之蒙。振落樹上之葉。取

之至。會太子遷謀殺漢使事。覺。安有孽子。不害最長。弗愛。不害之子建材。高有

氣。數怨望太子。乃陰使人告遷。謀殺漢中尉事。廷尉逮捕安。欲發兵。猶豫未決。

伍被自詣吏。具告與安謀反事。上使宗正以符節治安。未至。安自剄。王后太子皆伏誅。有司捕諸與謀反者。得陳喜于衡山。王子孝家。先是衡山王以王后徐來言欲廢太子爽而立其弟孝。乃囚太子。佩孝以王印。令交結賓客。與陳喜、枚赫等為反計。孝聞律先自告。除其罪。即先自告所與謀反者陳喜、枚赫等。公卿請逮。賜治之。賜自剄死。王后太子及孝皆棄市。凡二獄所連引列侯二千石豪傑等死者數萬人。上以伍被雅辭。多引漢之美。欲勿誅。廷尉湯曰。被首為王畫反計。罪不可赦。乃誅被。侍中莊助素受安賂遺。上薄其罪。張湯以為助出入禁門。腹心之臣。乃與諸侯交私。不誅。後不可治。助竟棄市。

夏四月。立子據為皇太子。

五月乙巳晦。日食。

張騫持賂鑿空所至之地
多中閉不通譯語未必盡
曉傳聞更多譌舛且以于
聞鹽澤為河源所出不知
鹽澤乃今塔里母河與河
源無涉他可知矣今厄魯
特同部並隸版圖凡山川
道里實按其地詳詢其人
然首義參差猶必幾經審
訂始令成書考証之難豈
可以耳食為據哉

遣博望侯張騫使西域始通滇國。古荒服地。楚莊踰始開。遂留王之。今雲南府是。

也。復事西南夷。

初張騫自匈奴還具為天子言西域諸國風俗大宛在

漢正西。其俗土著耕田有城郭室屋如中國。多善馬馬汗血。顏師古曰大宛國有高山

其上有馬不可得因取五色母馬置其下與集生駒皆汗血因號曰天馬子云。其東北則烏孫

行國與匈奴同俗治赤谷去長安八千九百里。顏師古曰烏孫于諸戎形最異今胡人青眼赤鬚狀類彌猴者

皆其種也。東則于闐。治西城去長安九千六百七十里其河多玉石。于闐之西則水

皆西流注西海。水經注河源潛發葱嶺分為二水其一水西逕月氏諸國南注雷翥海。胡三

省曰雷翥海即其東水東流注鹽澤。即蒲昌海亦曰渤

積鄯善之東北龍城之西南地廣千里皆為鹽澤而堅剛

故有鹽澤之稱。考今土魯番西南有澤名羅卜淖爾

周五百里葱嶺東北之水皆入焉。蓋鹽澤潛行地下其

即古鹽澤舊志亦謂之洛普池也。

南則河源出焉

漢書西域傳河有兩源一出葱嶺一出于闐于闐河北流與葱嶺河合東注蒲昌海其水亭居冬夏不增減皆以為潛行地下南出于積石為中國河云考河源不見于經言之者自漢張騫始然所云于闐葱嶺兩源杜佑歐陽忞等俱斥其非山海經水經注所紀又荒遠不經唐劉元鼎明釋宗泐所言稍合又各不同惟元潘昂霄為都實撰河源志說最詳本朝康熙間屢遣使臣考求河源測量地度繪入輿圖河實導源于西番之巴顏喀喇山東名阿爾坦河東北流三百餘里合鄂敦他拉諸泉匯為查靈鄂靈二海子迴環曲屈凡二千三百餘里入河州界為中國黃河蓋河源更出火敦腦兒之西視元都實所志更得其真矣

鹽澤去長安可五千里匈奴右方居澤以東南接羌

隔漢道焉大夏在大宛西南

與大宛同俗

前使時見叩竹杖

元和志雅州叩嶺山竹高節實可為杖

蜀布問安得此曰市之身毒

音捐為孟

康曰即天竺也後漢書西域傳天竺國一名身毒在月氏東南俗與月氏同而修浮圖道不殺伐考身毒國自後漢時號曰天竺唐分為五天竺又曰五印度地最廣遠今西藏去四川可數千里其西南之阿里有岡底斯

山蓋卽釋氏所云阿耨達山爲近古天竺云

身毒在大夏東南可數千里

其俗

土著與大夏同

度大夏居漢西南今身毒又居大夏東南有蜀

物此其去蜀不遠矣今使大夏從羌中險少北則爲匈

奴所得從蜀宜徑又無寇天子旣聞諸國多奇物而兵

弱貴漢財物誠得而以義屬之則廣地萬里威德徧于

四海欣然以騫言爲然乃令騫因蜀犍爲

注見前

發間使

四道並出

出冉出驍出徙出邛煖

指求身毒國各行一二千里

其北

閉氏徠南

終莫得通于是始通滇國

漢使至滇滇王當羌謂曰漢孰與我

大及夜郎侯亦然以道不通故各自以爲一州主不知漢廣大使者還因盛言滇大國足事親附天子注意焉

乃復事西南夷

元朔四年罷西夷至是復通

庚中

二年春丞相公孫弘卒以李蔡爲丞相張湯爲御史大

夫

蔡為人在下中取充位天下事皆決于湯

以霍去病為票

徐廣曰通作驃騎將軍

品秩同大將軍

擊匈奴敗之

去病以票騎將軍將萬騎出隴西擊匈奴轉戰六日過

焉支山

在今甘肅甘州府山丹縣東南河西河舊事焉支山水草茂美宜畜牧與祁連同匈奴失此二山

歌曰亡我祁連山使我六畜不蕃息失我焉支山使我婦女無顏色千餘里斬首虜獲甚

衆收休屠

音朽

王匈奴屬王之號今甘肅涼州

祭天金

人

顏師古曰作金人以為天神之主而祭之今佛像是其遺法

益封二千戶夏復與

公孫敖將數萬騎俱出北地去病復深入二千餘里踰

居延

漢書地理志張掖郡居延有居延澤古文以為流沙

過小月氏

注見前

至祁連山斬首三萬虜獲尤多益封五千戶是時諸宿

將所將兵皆不如去病去病所將常選謂選取驍銳然亦敢

深入常與壯騎先其大軍軍亦有天幸未嘗困絕也而

諸宿將常留落不偶謂遲留零落而不遇合也由此去病益以親貴

比大將軍矣是夏衛尉張騫郎中令李廣俱出右北平廣殺匈奴數千人而漢軍死者亦過半故

無賞騫及公孫敖皆以後期當斬贖為庶人

秋匈奴渾邪王匈奴屬王之號今甘肅甘州府漢初為匈奴渾邪王地降置五屬國

各依本國之俗而屬于漢故曰屬國以處其眾

匈奴渾邪王殺休屠王渾邪王休屠王居匈奴西方單于怒其數為漢所殺虜欲召誅

之渾邪休屠恐謀降漢并其眾降漢詔發車二萬乘迎

之縣官從民貫馬民或匿馬馬不具上怒欲斬長安令

右內史汲黯曰長安令無罪獨斬臣黯民乃肯出馬且

匈奴畔其主而降漢。漢徐以縣次傳之。何至令天下騷

動乎。上默然。及渾邪至。賞賜數十鉅萬。封渾邪萬戶。為

賈人與市者。坐當死五百人。黠請間曰。渾邪率數萬之

衆來降。虛府庫賞賜。發良民侍養。譬若奉驕子。愚民安

知市買。長安中。而文吏繩以為闌出財物于邊關。應劭曰。漢

律。胡市。吏民不得持兵及鐵出。關。雖于京師市買其法一也。殺無知者五百餘人。是

所謂庇其葉而傷其枝者。竊為陛下不取也。上曰。吾久

不聞汲黯之言。今又復妄發矣。居頃之。乃分徙降者邊

五郡。隴西。北地。上郡。胡方。雲中。故塞外。因其故俗為五屬國。而金城

漢郡。治允吾。故城在今甘肅蘭州府皋蘭縣。河西。黃河

胡三省曰。金城置于昭帝。此言者。史追書也。河西之西

西並南山。即南祁連。注具前考。是山自葱嶺而東。亘西

繞黃河東入岷州界循渭而南為武功太白諸山至鹽漢書西域傳云南山東出金城與漢南山屬是也

澤空無匈奴矣明年詔減隴西北地上郡休屠王太子戌卒之半以寬天下之繇

日磾音密沒入官輸黃門少府屬養馬久之上游宴見馬

日磾牽馬過殿下容貌甚嚴上異而問之具以本狀對

即日拜為侍中以休屠作金人為祭天主賜日磾姓金

氏

辛酉三年春有星孛于東方

秋山東大水徙其民于關西朔方

山東被水民多饑乏遣使虛倉廩以振猶不足又募富

人假貸尚不能相救乃徙貧民于關以西及充朔方以

南新秦中應劭曰秦得匈奴河南地築城郭徙民居之曰新秦中七十餘萬口衣

食皆仰給縣官。數歲貸與產業，使者分部護之，費以億

計。

作昆明池。

在西安府長安縣西南。今涸。三輔黃圖：昆明池中有神池，堯時治水，嘗停舟于此。

上將伐昆明。

杜佑通典：昆明在越巂西南，一名昆彌。

以昆明有池，方三百

里。

漢書注：臣瓚曰：昆明國有滇池。通典：昆明以西洱河為境，亦曰昆彌川。漢武像其形鑿池，非滇池也。西

洱河，即古葉榆澤，在今雲南大理府城東，如人耳形，亦曰洱海，方三百里，有三島四洲之勝。乃作昆

明池，以習水戰。故吏弄法者，皆謫令伐棘上林，穿昆明

池。

考漢書西南夷傳：夜郎以西，滇最大，桐師以東，北至葉榆為崙。昆明是滇與昆明，乃兩國。臣瓚以滇池屬

之昆明，非是。杜佑指西洱為昆明之池，蓋承漢書北至葉榆之文也。

得神馬于渥洼。

音握。

水中。

李斐曰：南陽新野有暴利長，遭刑，屯田敦煌界，數于此水旁，見

羣野馬，中有奇者，與凡馬異，求飲此水，利長先作土人持勒絆于水旁，後馬玩習久之，乃代土人持勒絆，收得其馬。

獻之欲神異此馬故云從水中出。渥洼水西域圖誌云氏置水之支流也。氏置水即今黨河在敦煌縣南。

帝方立樂府。顏師古曰樂府之名起此。使司馬相如等造為歌詩以

宦者李延年。李夫人兄。為協律都尉。絃次以合八音之調。及

得神馬。次以為歌。其詞曰太一况天馬下。露赤汗沫流。容與逍遙里。今

安匹龍為友。汲黯曰王者作樂上以承祖宗下以化

兆民。今陛下得馬詩以為歌。協于宗廟。先帝百姓能知

其音耶。上默然不悅。

戊壬四年冬造皮幣白金鑄三銖錢置鹽鐵官算緡錢舟車

有司言縣官用度太空而富商大賈財或彙萬金不佐

國家之急請更錢造幣以贍用而摧浮淫兼并之徒時

禁苑有白鹿而少府多銀錫乃以白鹿皮方尺緣以藻

皮幣即後世會要鈔之所由昉蓋欲以挾盜鑄之弊耳不知錢且盜鑄幣又

不可盜造乎

續為皮幣直四萬朝覲聘享必以皮幣薦璧然後得行又

造銀錫為白金三品時議以為天用莫如龍地用莫如馬人用莫如龜故白金之品大者

圓之其文龍直三千次方之其文馬直五百小者橢之其文龜直三百橢地果反令縣官銷半

兩錢更鑄三銖錢盜鑄者罪皆死于是以東郭咸陽郭東

以地為氏咸陽孔僅南陽大冶為大農丞大農令有兩丞領鹽鐵事

桑弘羊桑氏秦大夫子桑之後弘羊洛陽賈人子以計算用事三人言利事

悉秋毫禁民敢鑄鐵器煮鹽者徒計反左趾以鐵為鉗著左足以

代刑沒入其器物又令諸賈人末作各以其物自占各隱其

財物之多少為率緡錢二千而一算緡絲也以貫錢一貫千錢出算二十

也及民有船車者皆算皆平作錢數匿不自占占不悉

戍邊一歲沒入緡錢有能告者以其半畀之其法大抵

皆出張湯。湯每朝奏事。語國家用。日肝。天子至忘食焉。
以下式爲中郎。賜爵左庶長。

初。河南卜式。數輸財助邊。上使使問式欲官乎。曰不願。
有冤欲言乎。曰無所欲言。如此何欲。曰天子誅匈奴。愚
以爲賢者宜死節于邊。有財者宜輸委。而匈奴可滅也。
上由是賢之。欲尊顯以風百姓。乃召拜式爲中郎。賜爵
左庶長。田十頃。布告天下。使明知之。式先牧羊山中。十
餘年。羊致千餘頭。
及爲郎。不願仕。上曰。吾有羊在上林中。欲令子牧之。式
布衣少躋而牧羊。歲餘。羊肥息。上過而善之。式曰。非獨
羊也。治民亦猶是矣。以時起居。惡者輒去。毋令敗
羣。上奇其言。以爲織氏令。民便之。未幾。擢爲齊相。

春。有星孛于東北。

夏。長星出西北。

遣衛青霍去病擊匈奴青部前將軍李廣失道自殺去病

封狼居胥山

在漠北今喀爾喀地

而還詔以青去病皆為大司馬

是年

始置以冠將軍之號

上與諸將議大發士卒粟馬十萬令大將軍青票騎將

軍去病各將五萬騎擊匈奴

青出定襄去病出代郡

李廣請行上

以其老弗許良久許之

陰戒大將軍以廣老數奇毋令當單于

以為前將

軍公孫賀為左將軍趙食其

音異箕主爵都尉

為右將軍曹襄

平陽侯

為後將軍皆屬大將軍青既出塞捕虜知單于所

居乃自以精兵走之而令前將軍廣併于右將軍軍出

東道廣請曰臣部為前將軍今大將軍乃徙令出東道

臣願居前先死單于青以受上誡不聽廣遂行青度幕

驢又馬母而生驢驘非塞外所有以驢非塞外所有也今驢至塞外率多倒斃而馬則塞外之良產古之匈奴即今之蒙古單于不乘馬而乘驢乃必無之事即此知史之多偽

見單于兵陳而待。于是令武剛車兵車也。有蓋。自環為營。

而縱五千騎往當匈奴。匈奴亦縱可萬騎。會日且入。大

風起。砂礫擊面。兩軍不相見。漢益縱左右翼繞單于。單

于視漢兵多。度不能戰。遂乘六騾冒圍而去。漢發輕騎

夜追之。不得單于。捕斬首虜萬九千級。遂至真顏山。趙

信城。俱在喀爾喀地。城。趙信所築。故名。燒其積粟而還。廣與食其軍無

導。惑失道。後期。大將軍還過幕南。乃遇之。責廣之幕府

對簿。廣謂其麾下曰。廣結髮與匈奴七十餘戰。今幸接

單于兵。而大將軍徙廣部。行回遠。而又迷失道。豈非天

哉。且廣年六十餘矣。終不能復對刀筆之吏。遂自刳廣

為人廉得賞賜。輒分其麾下為二千石四十餘年。家無

餘財。將兵乏絕之處。見水士卒不盡飲。廣不近水。不盡

食。不嘗食。士以此愛樂為用。及死。一軍皆哭。百姓聞者。

無老壯。皆為流涕。食其下吏當死。贖為庶人。去病出代。右北平。二十

餘里。絕大幕。直左方兵。匈奴諸左王將居東方。獲王。將相等八十

餘人。封狼居胥山。禪于姑衍。山名。在漠北。登臨瀚海。在蘇尼特之北。

喀爾喀之南。其西接伊犁界。斬七萬級。功多于大將軍青。既皆還。去病

益封五千八百戶。青不得益封。置大司馬位。青去病皆為之。自是青日退。而去病

日益貴。去病為人少言不泄。有氣敢往。帝嘗欲教之孫吳兵法。對曰。顧方畧何如耳。不至學古兵法。帝為治第

令視之。對曰。匈奴未滅。無以家為。帝益愛重之。青為人仁。喜士退讓。以和柔自媚于上。兩人志操如此。是

時。漢所殺虜匈奴合八九萬。而漢士卒物故亦數萬。是

後匈奴遠遁。而幕南無王庭。匈奴所都處為庭。漢渡河。自朔方

後漢書卷之二十三

以西至令居。漢縣故城在今甘肅涼州府平番縣。往往通渠置田官稍蠶

食匈奴以北。然亦以馬少。先兩軍出塞官私馬十四萬匹。復入塞者乃不滿三萬匹。

不復大出擊匈奴矣。

以義縱河東人為右內史。王溫舒陽陵人為中尉。

初縱為南陽大守。按甯成家破之。成坐免。南陽吏民重

足一迹。言累足也。後徙定襄。方至掩獄中重罪輕繫。及私入

視者。壹切捕鞫。曰。為死罪解脫。是日皆報殺四百餘人。

郡中不寒而栗。時趙禹張湯以深刻為九卿。然其治尚輔法而行。縱專以鷹擊為治。是歲

汲黯免。乃以縱為右內史。溫舒始為廣平。今直隸廣平府是。都

尉盜賊不敢近廣平。遷守河內。以九月至。令郡具私馬

五十匹為驛。捕郡中豪猾。相坐二千餘家。上書請大者

至族。小者乃死。奏行不過二三日。得可。事論報。至流血
十餘里。盡十二月。郡中無聲。會春。溫舒頓足嘆曰。嗟乎。
令冬月得益展一月。足吾事矣。上聞之。以爲能。擢中尉。
溫舒所爲。弗先言縱。縱必以氣陵之。然縱廉。其治效郅
都。時楊可方受告緡。時下告緡令。人有告緡者。可方受之。縱以爲此亂
民。部吏捕其爲可使者。上以縱爲廢格沮事。棄縱市。溫
舒少文。居它惛惛不辨。至中尉則心開。故善諂。有執家。
雖有姦如山。弗犯。無執。雖貴戚必侵辱。後徙右內史。復
行中尉。會發兵大宛。詔徵豪吏。溫舒匿之。人告溫舒受
吏錢。及它姦利事。罪至族。自殺。其時溫舒兩弟及兩婚
家。亦各自坐它罪而族。光祿勳郎中令
更名。徐自爲曰。悲夫。

古有三族。而王溫舒罪至同時而五族乎。

溫舒與弟同三族。而兩婚

家合一。故為五也。

方士文成將軍少翁伏誅。

齊人少翁以鬼神方見上。上有所幸王夫人

齊王閔之母。卒。

少翁以方夜致鬼。如王夫人之貌。天子自帷中望焉。于是拜少翁為文成將軍。以客禮之。文成又勸上為臺室。而置祭具。以致天神。居歲餘。其方益衰。乃為帛書以飯牛。陽不知。言曰。此牛腹中有奇。殺視得書。書言甚怪。天子識其手書。于是誅之。

癸亥五年春三月。丞相蔡有罪。自殺。

坐盜孝景園塋地也。

罷三銖錢重鑄五銖錢。

有司言三銖錢輕易作姦詐請鑄五銖錢周郭其質令不可摩鎔。

以汲黯爲淮陽太守。

于時民盜鑄錢楚地尤甚乃召拜汲黯爲淮陽太守黯曰臣自以爲填溝壑不復見陛下不意復收用之臣常有狗馬病力不能任郡事臣願爲中郎出入禁闥補過拾遺臣之願也上曰君薄淮陽耶吾今召君矣顧淮陽吏民不相得吾徒得君之重卧而治之黯旣辭行過大逐居郡不得與朝廷議矣御史大夫湯內懷詐以御主心外挾賊吏以爲威重公列九卿不蚤言公與之俱受戮矣息終不敢言黯居淮陽十歲而卒及湯敗帝抵息罪

夏四月以莊青翟高祖功臣武彊侯莊不為丞相識孫嗣侯為太子少傅

甲子六年冬十月雨水無冰

夏四月廟立顏師古曰于廟中策命之子閔為齊王旦為燕王胥為廣

陵王初作誥策

三王同日立賜策各以國土風俗申戒閔立八年薨無子國除旦胥後

俱以罪自殺事具後

秋九月大司馬票騎將軍冠軍侯霍去病卒諡曰景桓

帝甚悼之令為冢像祁連山初去病為票騎將軍擊匈奴

道出河東迎見其父霍仲孺仲孺自平陽侯家歸絕不相聞去病既壯大始

自知為仲孺子時仲孺已娶婦生子光字子孟去病大為父買田

宅奴婢將光西至長安任為郎稍遷至奉車都尉帝置掌御

乘輿光祿大夫。即中大更名。

殺大農令顏異。

邾俠之後夷父字顏子孫因以爲氏異濟南人。

初異以廉直至九卿上既造白鹿皮幣問異異曰今王侯朝賀蒼璧直數千而皮幣反四十萬本末不相稱上不悅人有告異它事下張湯治異與客語客言初令下有不便者異不應微反臂湯奏當異九卿見令不便不入言而腹誹論死自是之後有腹誹之法比而公卿大夫多諂諛取容矣。

御批歷代通鑑輯覽卷之十六

漢

世宗孝武皇帝

乙丑元鼎元年。應劭曰。以得寶鼎。故改元。通鑑考異。寶鼎得于四年六月。而改元則于是年。蓋亦如建元

元光。後來追敘之耳。漢書因改元。遂于元年誤增得鼎一事。考漢書武帝紀。元鼎元年夏五月。得鼎汾水上。四年六

月。得寶鼎后土祠旁。其書法有得鼎得寶鼎之不同。似兩得鼎而並紀之者。且自元狩以後。皆以瑞紀元。何待追敘

今仍。夏五月。得鼎汾水上。

漢書。丙寅二年冬十一月。張湯有罪。自殺。十二月。丞相青翟下獄。

自殺。

初。御史中丞李文。

河東人。

與湯有隙。湯所厚吏魯謁居陰。

使人告文姦事。事下湯治。論殺之。上問變事從。

師古曰。讀曰蹤。

迹安起。湯心知謁居爲之。陽驚曰。此殆文故人怨之。謁

居病。湯親爲之摩足。趙王素怨湯。告湯大臣。乃與吏摩

足。疑與爲大姦。事下廷尉。謁居病死。事連其弟。弟告湯

與謁居謀共變。告李文。事下減宣。

楊人爲左內史。

窮竟未奏。會

盜發孝文園瘞錢。丞相青翟與張湯約俱謝。至前。湯獨

不謝。上使御史案丞相。湯欲致其文丞相見知。

欲以見知故縱。

之罪罪丞相。

丞相長史朱買臣王朝。

齊人。

邊通。

邊氏出周大夫邊伯。皆

怨恨湯。

三長史素貴。居湯右。已而失官。守長史。湯數行丞相事。常陵折之。故怨。

欲死之。乃

與丞相謀。使吏案捕賈人田信等。曰。湯且欲奏請。信輒

先知之。居物致富。與湯分之。事辭頗聞。上問湯曰。吾所

爲。賈人輒先知之。益居其物。是類有以吾謀告之者。湯

不謝。又陽驚曰：「固宜有減。」宣亦奏謁居事。上以湯懷詐，一面欺，使趙禹切責湯。湯乃爲書謝。因曰：「陷臣者三長史也。」遂自殺。湯旣死，家產直不過五百金。昆弟諸子欲厚葬湯。湯母曰：「湯爲天子大臣，被污惡言而死，何厚葬乎？」載以牛車，有棺無槨。上聞之，乃盡案誅三長史。丞相青翟下獄自殺。

春，起栢梁臺。

在今西安府長安縣故城內，以香栢爲梁，故名。

作承露盤。

在長安縣西北，故建

章宮內。

盤高二十丈，大七圍，以銅爲之。上有仙人掌，以承露。和

玉屑飲之，可長生云。

二月，以趙周爲丞相。

三月大雨雪。

夏大水。關東饑。

置均輸。大農令屬有均輸令丞。孟康曰。諸州郡所當輸于官者。皆令輸其土地所饒。平其所在時價。官自轉

遷于所無之地賣之。輸者既便。而官有利。禁郡國鑄錢。

孔僅為大農令。而桑弘羊為大農中丞。稍置均輸。以通

貨物。悉禁郡國無鑄錢。專令上林三官鑄。裴駰曰。水衡都尉掌上林

苑。屬有上林。鍾官。辨銅。令然。非三官錢不得行。而民鑄

益少。計其費不能相當。惟真工大姦。乃盜為之。

西域始通。置酒泉。治表是。今甘肅肅州高臺縣。是應劭曰。其水若酒。故名。武威。治姑

甘肅涼州府。郡。武威縣是。

張騫建言。烏孫王昆莫。王之號。名。機驕靡。本為匈奴臣。後兵稍

彊不肯復朝事匈奴。今單于新困于漢而故渾邪地空

無人。誠以厚幣賂烏孫。招居故渾邪之地。則是斷匈奴

右臂也。既連烏孫。自其西大夏之屬。皆可招來而為外

臣。上以為然。拜騫為中郎將。將三百人。多持節副使。齎金幣帛。直

數千巨萬。騫至烏孫。致賜諭指。未能得其決。因分遣副

使。使大宛。康居。大月氏。大夏。注俱見前。安息。治番兜城。去長安萬一千六百

里。其屬大小數百城。地方數千里。最大國也。身毒。注見前。于闐。注見前。考于闐國在蔥嶺之北。

今回部之和闐也。有河出其南山。即于闐河。北流合

爾羌之塔里母河。河出蔥嶺。即蔥嶺河。又折而東。匯于

羅布淖爾。即古所稱河源。注于鹽澤者也。及諸旁國。烏孫發譯道送騫還。使

數十人。馬數十匹。烏孫多馬。富人至四五千匹。隨騫報謝。是歲騫還

西域始通于漢矣。西域凡三十六國。其後稍分至五十餘。南北有

大山。南山。卽南祁連。北山。卽北祁連。中央有河。卽于闐河。東西六千餘里。南

北千餘里。東則接漢玉門。元和志。玉門故關。在龍勒縣西。爲西域門戶。龍勒故城。

在今安西府。陽關。在今敦煌縣西南。元和志。以西則限

敦煌縣西。居玉門關之南。故曰陽關。以葱嶺。在葉爾羌西南。南北兩山。皆其分支。西河舊事。

以葱嶺。葱嶺在敦煌西八千里。其山高大。上悉生葱。故名。明一統志。葱嶺高數千自玉門陽關出西域。有兩道。

丈。番名塔兒塔石打班。本樓蘭。後更名。治扞泥。旁南山。循河西行。至莎

從鄯善。城。去長安六千一百里。南道。循河西行。至莎

車。有前後王庭。前王治交河城。去長安八千一百五十里。後王治務塗谷。去長安八千九百五十里。爲

南道。南道西踰葱嶺。則出大月氏。安息。自車師前王庭

隨北山。循河西行。至疏勒。治疏勒城。去長安九千三百五十里。爲北道。北

道西踰葱嶺。則出大宛。康居。奄蔡。在康居西北。可一千里。與康居同俗。國臨

大澤無涯。故皆役屬匈奴。匈奴賦稅諸國。取富給焉。烏

孫既不肯東還。乃于渾邪故地。置酒泉郡。稍發徙民以

充實之。又置武威郡。以絕匈奴與羌通之道。後使西域者益多。匈奴

奴時遮擊之。乃分武威酒泉地。更置張掖。敦煌二郡。張掖治張掖縣。是敦煌。治敦煌。注見上。

孟康曰。鯨音鹿。

丁卯三年夏四月雨雹

關東饑

被災郡國凡十餘人相食

戊辰四年冬十一月立后土祠于汾陰注見前。雕上亦曰雕邱。在今山西

蒲州府榮河縣北。親祠之始巡郡國

先是上祠五時詔曰今上帝朕親郊而后土無祀則禮

不答也。

謂闕地祇之祀。不爲神所答應。

其令有司議之。于是立后土祠。

于汾陰睢上。

顏師古曰。以形高起。如人尻睢。故名。

上親望拜。如上帝禮。禮

畢。遂至滎陽。始巡幸郡國。

封周後姬嘉爲周子南君。

顏師古曰。子南。封邑之號。以爲周後。故曰周子南君。

上過洛陽。求周後。得嘉。封爲周子南君。以奉周祀。

夏。以方士欒大爲五利將軍。尚公主。

方士欒大。

膠東王家人。故嘗與文成同師。上方悔誅文成。樂成侯丁義乃薦大。

敢爲大言。

處之不疑。見上曰。臣嘗往來海上。見安期羨門之屬。曰。

黃金可成。而河決可塞。不死之藥可得。仙人可致也。然

臣恐效文成。徒爲方士掩口。上曰。文成食馬肝死耳。子

能修其方。我何愛乎。大曰。臣師非有求人。人自求之。陛

下必欲致之。則貴其使者。令為親屬。以客禮待之。乃可
使通言于神人。時上方憂河決。而黃金不就。乃拜大為
五利將軍。封樂通侯。食邑。賜甲第。以衛長公主衛太妻
之。齋金十萬斤。上親幸其第。自竇太主將相以下。皆獻
遺之。大兒數月。凡佩六印。天士。地士。大通。五利。四將軍。
道將軍。天道者。為天子道。天神也。貴震天下。而海上燕齊之間。莫不搃
捉持腕。自言有禁方。能神仙矣。明年。大坐誣罔。要斬。人裝
為入海求其師。乃之泰山。上使人隨驗。實無所見。而大妄言見其師。方又多不售。遂誅之。
六月。得大鼎。后土祠旁。

汾陰巫錦。

錦。巫名。

得大鼎于魏雕。

汾陰本魏地。故曰魏雕。

后土營。

祠之。

兆旁。錦培地得鼎。鼎大異于眾。域。鼎。文。鏤。無。欵。識。怪。之。告。吏。河東太守以聞。上以禮

祠迎鼎至甘泉。從上行。薦之郊廟。羣臣皆賀。

時羣臣皆言得周鼎。

吾邱壽王獨以爲非周鼎。上召而問之。壽王對曰。昔秦始皇親出鼎于彭城。而不能得。今天祚有德。而鼎自出。此天之所以與漢。乃漢寶。非周寶也。上曰。善。于是作寶鼎之歌。是秋。齊人公孫卿以漢

得寶鼎與黃帝時等。

漢得寶鼎。其冬。辛巳朔旦冬至。黃帝得寶鼎。是歲冬。己酉朔旦冬至。

乃爲札書。因嬖人奏之。上召問卿。卿言。漢興復當黃帝

之時。寶鼎出而與神通。當封禪。封禪則能仙登天矣。卿又

言黃帝採首山銅。鑄鼎荆山下。鼎既成。有龍垂胡鬚下。

迎黃帝上騎。與羣臣後宮七十餘人俱登天。于是上曰。

嗟乎。誠得如黃帝乎。乃拜卿爲郎。後二年。卿候神河南。

視去妻子如脫屣耳。帝親往視。謂卿得毋效文成五利乎。卿曰。仙者非有

求人主。人主自求之。其道非寬假。神不來。積以歲月。乃可致也。

帝信之。
以兒寬爲左內史。

寬為治。勸農桑。緩刑罰。理獄訟。務在得人心。擇用仁厚

士。推情與下。不求聲名。吏民大信愛之。收租稅。時裁濶

狹。與民相假貸。

胡三省注。濶。謂禁防疏濶之時。狹。謂督促迫急之時。濶時不急徵收。與民相假

貸也。以故租多不入。後有軍發。左內史以負租課殿。課下

當免。民間皆恐失之。大家牛車。小家擔負。輸租繯屬

言輸者如繯之相聯屬。不絕。課更以最。課上上曰最。上由此愈奇寬。

已巳五年。冬十月。帝祠五時。遂獵新秦中。以勒邊兵。

上祠五時于雍。遂踰隴。

隴。坻也。亦曰隴坂。在今甘肅秦州分水縣。三秦記。其坂九曲。上

者七日。西登崆峒。

注見前。北出蕭關。

注亦見前。從數萬騎。獵新

秦中。以勒邊兵而歸。新秦中或千里無亭徼。

既無亭候。又不徼循。

于是誅北地太守以下。

立泰一。注見前。及五帝祠壇于甘泉。十一月辛巳朔冬至親

郊見。

昧爽。天子始郊。拜泰一朝。朝日。夕夕月。皆揖。是為泰時。自是三歲。

天子一郊見。

南越相呂嘉弑其王興。更立建德為王。發兵反。遣將軍路

博德。西河平州人。等將兵討之。

先是。上遣使諭南越王入朝。建元時。南越太子嬰齊入宿衛。在長安。取繆氏女。生子興。後娶齊嗣王。立繆氏為后。興為太子。嬰齊薨。興代立。其母為太后。太后故嘗與霸陵人安國少季通。帝使

少季征諭王及太后入朝。比內諸侯。南越王太后勸王及羣臣內屬。少季

至越。復與太后私通。國人頗知之。即因使者上書。請比

多不附太后。太后倚漢威。故數勸。即因使者上書。請比

內諸侯。三歲一朝。除邊關。天子許之。事在四年。至是。太后與

王飭治行裝重齋爲入朝具其相呂嘉數諫不聽因稱病不見漢使者太后欲誅之嘉遂與其大臣謀作亂未

發會漢使韓千秋及膠樂

即太弟

將二千人入越境嘉遂

反

下令國中曰王年少太后中國人又與使者亂無顧趙氏社稷爲萬世慮計之意

將卒攻殺

王太后及漢使者立明王

嬰齊

長男越妻子建德爲王

韓千秋兵破數小邑未至番禺四十里越以兵擊千秋

等遂滅之使人函封漢使者節置塞上發兵守要害處

上聞南越反下詔發樓船十萬師往討之伏波將軍路

博德出桂陽

漢郡治郴今湖南郴州是

樓船將軍楊僕

宜陽人

出豫章

注見前

戈船將軍歸義越侯嚴出零陵

漢郡治零陵今湖南永州府零陵縣

是

下瀨將軍甲

甲與嚴皆越人歸漢者

下蒼梧

今廣西梧州府是時漢尚未置郡

越馳義侯遺亦越人發夜郎兵下牂柯江注見前咸會番禺

夏四月丁丑晦日食

秋九月嘗酎

嘗秋祭酎直救反三重釀酒也

列侯百有六人皆奪爵丞相

周下獄自殺

時齊相卜式上書請父子與齊習船者往死南越詔褒美式賜爵關內侯布告天下天下莫應諸列侯以百數

亦莫求從軍擊越會九月嘗酎列侯以令獻金助祭

張晏

曰正月旦作酒八月成名曰酎武帝因八月嘗酎會諸侯廟中出金助祭所謂酎金也少府省金

金有輕及色惡者上皆令劾以不敬奪爵者百六人丞

相趙周坐知列侯酎金輕下獄自殺

以石慶為丞相

封牧邱侯食邑平原

與金邑非善以此陰中
無應詔攻越者益可笑矣

時九卿更進用事。事不關決于丞相。慶醇謹而已。

庚午

六年冬。討平西羌。

後漢書西羌傳。羌出三苗。舜竄之。三危。河關西南羌是也。

先零羌。

羌無弋爰劍之後。留居湟中者二十餘種。先零罕。丹之屬皆是。零音憐。

與匈奴通。

合衆十餘萬。共攻令居。

注見前。安故。

漢縣。注見前。

遂圍枹罕。

漢縣。

故城在今蘭州府河州。

詔發卒十萬人。遣將軍李息。郎中令徐自

爲擊平之。始置護羌校尉統領焉。

平南越。置九郡。

楊僕入越地。先陷尋陁。

史記索隱。在始興郡西北。始興郡今廣東韶州府是。破石

門。

山名。在廣州府城西北江中。兩山對峙如門。故名。

待博德至。俱進。至番禺南。

越城守。會暮。僕縱火燒城。博德遣使招降者。賜印綬。復

縱令相招。黎旦。城中皆降。建德嘉已。夜亡入海。博德遣

人追得之。戈船下瀨。夜郎兵未下。南越已平矣。時帝將幸緱氏

至左邑桐鄉。聞南越破。以為聞喜縣。遂分南越地置南

海。治番禺。今縣。蒼梧。治廣信。今蒼梧縣。鬱林。治布山。今

西潯。治徐聞。今海康縣。屬廣東雷交趾。治羸樓。九

真浦。治胥日南。治朱吾。交趾下三珠崖。茂陵書治。今廣東瓊州府

瓊山。儋耳。元和志。治義倫。今瓊州府儋州是。考珠崖儋

珠崖。改漢書。地理志不載。凡九郡。

平西南夷置五郡

越馳義侯發南夷兵。且蘭。今貴州平越府平越縣。故且蘭侯邑。君反。殺使

者。令巴蜀罪人當擊南越者。擊之。誅且蘭君。及邛君。俾

君。遂平南夷。為牂柯郡。治故且蘭。即侯邑。夜郎侯入朝。上以為

夜郎王西夷冉駹之屬。注：俱見前。皆振恐，請臣置吏，乃

以邛都為越雋郡。治邛都，故城在今四川寧遠府西昌縣。筰為沉黎郡。治邛

都。漢四年省。冉駹為汶山郡。治汶江，宣帝時省。廣漢

郡。今四川成西白馬。地名，氏為武都郡。治武都，今甘肅階州成縣

是。

秋，東越王餘善反，遣將軍楊僕等將兵討之。

先是，東越王餘善請從樓船擊呂嘉，至揭陽。今縣，屬廣東潮州府。

本漢以海風波為辭，陰使南越楊僕上書，願便引兵擊

東越，上不許，令屯豫章梅嶺。在江西南昌府新建縣西，上有梅仙壇。以待

命。餘善聞樓船請誅之，遂反，發兵距漢道，號其將軍曰

吞漢，自稱武帝。上欲復使楊僕將，為其伐前勞，以書敕

責之。僕惶恐。願效死贖罪。乃遣橫海將軍韓說出句章。

漢縣。故城在今浙

浮海。

僕出武林。史記索隱。豫章北接

江寧波府慈谿縣。

今江西饒州府

番陽界。有武昌亭。亭

東南地名武林。當閩越之京道。

今江西饒州府

餘干縣東北。有武陵山。即古之武陵。

楊僕出師處。

王溫

舒出梅嶺。越侯出若邪。

山名。在浙江紹興府

白沙。今浙

州府樂清縣。有白沙嶺。

上有關。為水陸要衝。以擊東越。

明年。繇王居股殺餘

善。以其衆降。上以閩地險阻。數反覆。乃詔諸將悉徙其

民于江淮間。遂虛其地。

以下式為御史大夫。

式言。郡國民多不便。縣官作鹽鐵。苦惡價貴。而鹽苦鐵惡。

彊令民買之。而船有算。商者少。故貴。上不悅。未幾。以式

不習文章。貶太子太傅。

辛未元封元年。應劭曰。始封泰山。故改元。考是歲改元。在四月。冬十月。帝出長城。登

單于臺。在今歸化城西。勒兵而還。

詔曰。南越東甌。咸伏其辜。西蠻北夷。頗未輯睦。朕將巡

邊。垂躬秉武節。置十二部將軍。親帥師焉。乃行自雲陽。

北歷上郡。注俱見前。西河。漢郡。治富昌。故城在今鄂爾多斯左翼前旗。後漢移郡治離石。今山

西汾州府永寧州是也。五原。漢郡。治九原。注見前。出長城北。登單于臺。至

朔方。臨北河。通典。河自九原以東。謂之北河。勒兵十八萬騎。旌旗徑千

餘里。遣使者郭吉告單于曰。南越王頭已縣于漢北闕。

單于能戰。天子自將待邊。不能。亟來臣服。何但亡匿幕

北苦寒之地。為單于怒。留吉。上乃還。祭黃帝冢于橋山。

上曰。吾聞黃帝不死。今有冢。何也。公孫卿曰。黃帝已仙上天。羣臣思慕。葬其衣冠。上嘆曰。吾後升天。羣臣亦當

葬吾衣冠于東陵。乃釋兵還甘泉。

帝自制封禪儀成。以兒寬為御史大夫。

相如封禪書虛詞濫說。固無足議。兒寬以經術見用。亦從而附和之。則所謂經生者何居。

初。司馬相如病且死。有遺書勸上封泰山。會得寶鼎。上乃令諸儒采尚書周官王制之文。草封禪儀。數年不就。以問兒寬。寬曰。封泰山。禪梁父。昭姓考瑞。帝王之盛節也。然享薦之儀。不著于經。非羣臣之所能列。唯天子建中和之極。兼總條貫。金聲而玉振之。以順成天慶。垂萬世之基。上然之。乃自制儀。采儒術以文焉。既成。將用事。拜寬為御史大夫。

春正月。帝東巡。祭中嶽。

注見前。

遂如海上。求神仙。夏四月。封

泰山。禪肅然。

泰山東麓。在山東泰安府萊蕪縣東北。今稱為宿巖山。

復東北至碣石。

注見而還

帝東幸緱氏

漢縣故城在今河南府偃師縣

禮祭中岳從官在山下聞

若有呼萬歲者三

記祠官加增太室祠以山下戶三百爲泰邑名曰崇高

行至泰

山草木葉未生

令入上石立之山巔

遂東巡海上禮八神

注見前

益發船令言海中神山者求蓬萊

公孫卿言夜見大人長數丈就之則不見

見其跡甚大羣臣又言見一老父牽狗言吾欲見巨公已忽不見上即見大跡未信及羣臣言老父則大以爲

仙人

予方士傳車及間使求仙人皆以千數四月還至

奉高

漢縣泰山郡治宋改奉符今日泰安爲泰安府治

令侍中儒者行事封泰

山下東方如郊祠泰一之禮

封廣丈二尺高九尺其禮下則有玉牒書書秘

畢天子獨與侍中奉車都尉霍子侯

去病子

上泰山亦有

封其事皆禁明日下陰道

山北爲陰

禪泰山下趾東北肅然

山如祭后土禮

江淮間茅三脊為神藉五色土益雜封其封禪祠夜若有光晝有白雲出封中

上還坐明堂

臣瓚曰泰山東北陞古時有明堂則此所坐者羣臣上壽頌功德

詔改今年為元封元年大赦天下上既已封泰山無風

雨而方士更言蓬萊諸神若將可得于是上欣然庶幾

遇之復東至海上望焉

上欲自浮海求蓬萊羣臣諫莫能止東方朔曰夫仙者得之自

然不可躁求若其有道不憂不得若其無道雖至蓬萊見仙人亦無益也臣願陛下第還宮靜處以須之仙人

將自至會奉車霍子侯暴病一日死乃遂去並海上北

至碣石歷北邊至九原五月還甘泉

賜桑弘羊爵左庶長

先是桑弘羊為治粟都尉領大農盡斡

音管專主之也天下鹽

鐵乃置大農部丞數十人分主郡國令遠方各以其物

如異時商賈所轉販者為賦而相灌輸置平準官名屬大農有

令于京師都受天下委輸貴即賣之賤即買之欲使富

商大賈無所牟大利而萬物不得騰踊至是巡狩所過

賞賜用帛百餘萬匹錢金以鉅萬計皆取足大農弘羊

又請令吏得入粟補官及罪人贖罪民不益賦而天下

用饒于是賜弘羊爵左庶長是時小旱上令官求雨卜式言曰縣官當食租衣稅

而已今弘羊令吏坐市列肆販物求利烹弘羊天乃雨

秋有星孛于東井又孛于三台魁下六星兩兩而比曰三台

望氣王朔言候獨見填星填讀曰鎮土星也出如瓜食頃復入

有司皆曰陛下建漢家封禪天其報德星云德星即填星也史記

作旗明年帝祠五時還祠泰一以拜德星

壬申

二年春帝如東萊

漢郡治掖今山東萊州府掖縣是

還臨塞決河築宣

防宮

在直隸大名府開州西南

公孫卿言見神人東萊山若云欲見天子上于是幸緱

氏遂至東萊宿留數日無所見見大人跡云時歲旱大

子既出無名乃禱萬里沙

在萊州府掖縣東北寰宇記夾萬歲水兩岸皆沙舊有祠

過祠泰山還過瓠子瓠子河決已二十餘年不塞上自

臨決河沈白馬玉壁令羣臣從官自將軍以下皆負薪

寘決河時東郡燒草以故薪柴少而下淇園之竹以爲

楗

樹竹以塞決口令密而以土填之

卒塞瓠子築宮其上名曰宣防

上初

臨河決悼功之不成作瓠子之歌既塞乃築宮

道河北行二渠

注見前

復禹舊迹

梁楚之地復寧無水災

瓠子之決踰二十年始則蔽於田蚡而委之天事既則惑於五利而俟之神仙至此始親臨督塞然梁楚之被害斯已久矣

夏帝還長安。

越人勇之

越人名。

言越俗祠皆見鬼有效。東甌王敬鬼得

壽百六十歲。乃命立越祠。亦祀天神上帝百鬼。而用雞

卜。

越俗執鷄以禱所占殺之。拔其骨視骨上之孔以驗吉凶。

公孫卿復言。仙人好樓

居。于是上令長安作蜚廉觀。

在故長安城中。應劭曰。蜚廉。神禽。能致風氣者也。

甘泉作通天臺。

三輔黃圖。臺高百餘丈。若與天通。

使卿持節設具而候

神人。更置甘泉前殿。夏有芝生殿房內中。

芝九莖連葉。內中後庭之

室也。

詔赦天下。

作芝房之歌。

朝鮮

注見前。

襲殺遼東

注見前。

都尉。遣將軍楊僕。荀彘。將兵伐

之。

朝鮮在戰國時。故屬燕。秦為遼東外徼。漢興。為其遠難

守復修遼東故塞至沮水

在朝鮮國平壤城東今日大通江

為界屬燕

國燕王盧綰反入匈奴燕人衛滿亡命聚黨椎結蠻服

東走出塞度沮水居秦故空地役屬諸夷及燕齊亡在

者

師古曰燕齊之人亡居此地

王之都王險

即平壤城箕子故都今朝鮮國為平壤府

孝

惠高后時遼東太守約滿為外臣保塞以故滿得侵降

其旁小邑方數千里傳子至孫右渠所誘漢亡人滋多

又未嘗入見辰國

即辰韓韓有三種日馬韓辰韓弁韓

欲上書見天子又

雍闕不通是歲漢使涉何譙

責讓也

諭右渠終不肯奉詔

何去至沮水刺殺送者歸報天子曰殺朝鮮將上以其

名美拜何遼東東部都尉朝鮮怨何發兵攻襲殺之上

募天下死罪為兵遣樓船將軍楊僕從齊浮渤海左將

軍荀彧出遼東以討朝鮮

旱

上以旱為憂公孫卿曰黃帝時封則天旱乾音干封三

年上乃下詔曰天旱意乾封乎蘇林曰謂天旱之意欲新封之土乾燥乎

秋作明堂于汶上汶水之上也水經注北汶水東南流逕明堂下今泰安府南有泮河即北汶

水東南流入大汶

上欲作明堂未曉其制度濟南公玉帶史記索隱公玉姓帶名也風俗

通齊湣王臣有公玉冉帶其後也上黃帝明堂圖中有一殿四面無壁以茅蓋通水圜宮垣

為複道上有樓從西南人命曰昆侖于是上令奉高作明堂汶上如帶圖

遣將軍郭昌發兵擊滇滇王降置益州郡治滇池今雲南府是

初上使王然于諭滇王入朝滇王眾數萬人其旁東北

勞深靡莫

括地志勞深即勞浸在蜀南靡莫即靡非在姚州北

同姓相仗未肯聽

勞深靡莫數侵犯使者吏卒于是上遣將軍郭昌發巴

蜀兵擊滅勞深靡莫以兵臨滇滇王舉國降請置吏入

朝乃以為益州郡賜滇王王印復長其民

西南夷君長以百數獨夜

郎及滇受王印最寵焉

以杜周

南陽杜衍人

為廷尉

周少言重遲而內深次骨其治大抵放張湯而善候司

讀作

上所欲齊者因而陷之上所欲釋久繫待問而微

見其冤狀

客或讓周不循三尺法周曰三尺安出哉前主所是著為律後主所是疏為令當時為是

何占之時詔獄益多一歲至千餘章逮至六七萬人吏

所增加十有餘萬

癸酉三年冬十二月雷雨雹。

遣將軍趙破奴擊姑師。徐廣曰。破奴虜樓蘭王。遂破姑師。

考通鑑。姑師作車師。蓋以一國兩名。故互書也。綱目以姑師為樓蘭王名。未知何據。今依漢書。

上必欲通大宛諸國。使者一歲多至十餘輩。樓蘭姑師

當道苦之。攻劫漢使。又數為匈奴耳目。上遣趙破奴將

屬國騎及郡兵擊姑師。王恢數為樓蘭所苦。上令恢佐

破奴將兵。破奴以輕騎七百人先至。虜樓蘭王遂破姑

師。因暴兵威。以動烏孫大宛之屬。還破奴。恢俱封侯。破

泥野侯。恢浩侯。于是酒泉亭障至玉門矣。

朝鮮人殺王右渠以降。置樂浪。治朝鮮。即平壤城。臨屯。茂陵書。治東曉。昭帝

時廢。今朝鮮國城。元菟。治高句驪。故城在朝鮮咸興府東北。真番。茂陵書。治書縣。亦昭

帝時廢今朝鮮國郡。
城西有真番城。君

漢兵入朝鮮境。朝鮮王右渠發兵距險。楊僕將齊兵先
至。戰敗遁走。收散卒復聚。荀彘擊朝鮮。沮水西軍亦未
能破。上以兩將未有利。乃使衛山因兵威往諭右渠。右渠頓首請降。遣太子入謝。人衆萬餘持兵方渡沮水。山與彘疑其爲變。諭令人毋持兵。太子已。彘破沮水疑。遂不渡沮水。復引歸。山還報。上乃誅山。已。彘破沮水
上軍。乃前至城下。圍其西北。僕亦往會。居城南。數月未
下。彘所將燕代卒勁悍。乘勝多驕。僕嘗敗亡。卒皆恐。將
心慙。其圍右渠。僕常持和節。而彘急擊之。朝鮮大臣乃
陰使人約降于僕。往來未決。彘使人降之。不從。以故彘
與僕不相得。上以兩將乖異。使濟南太守公孫遂往正
之。有便宜得以從事。遂至。彘具以素所意告之。遂亦以

爲然。乃共執僕而并其軍。遂還報。上誅遂。毘擊朝鮮益急。朝鮮尼谿相參尼谿朝鮮地名也等使人殺王右渠以降。朝鮮平。以其地爲四郡。毘徵棄市。僕贖爲庶人。

甲戌四年夏大旱。

民多暍死。

匈奴寇邊。遣郭昌將兵屯朔方。

匈奴自衛霍渡幕以來。希復爲寇。遠徙北方。數使使請和親。漢使王烏窺之。單于佯許。遣太子入漢爲質。又曰。吾欲入漢。見天子。面相約爲兄弟。王烏歸報。漢爲單于築邸長安。會匈奴使至漢。病死。漢使路充國送其喪。單于以爲漢殺吾使者。乃留充國。而數使部兵侵犯漢邊。

上遣呂等屯朔方以備之。

五年冬。帝南巡江漢。春三月。至泰山。增封祀上帝于明堂。配以高祖。

上南巡狩。

自江陵而東。

至于盛唐。

韋昭曰。在南郡。寰宇記盛唐。漢縣。屬廬江郡。其西有

盛唐山。考漢書地理志。廬江郡無盛唐。其盛唐縣。乃唐置。非漢縣也。且自江陵而東。則南郡之說為是。

祀虞帝于九疑。

注見前。

登瀟。

漢縣。故城在江南六安州霍山縣。

天柱山。

即霍

山在霍山縣北。爾雅謂之南嶽。今亦曰瀟嶽。

自尋陽。

漢縣。在江北。今湖北黃梅縣界。晉尋陽郡。在江

南。今江西九

浮江。親射蛟江中。獲之。舳艫千里。薄樅陽。

漢縣。故城在江南安慶府桐城縣。今為鎮。而

出。作盛唐樅。陽之歌。

遂北至琅邪。前。

並海所過。禮祀其名山。大川。還至泰山。增封。始祀上帝于明堂。以高祖配。因朝諸侯王。列侯受郡國計。師古曰。受郡國

上計簿也。夏四月赦天下所幸縣毋出今年租賦還幸甘泉

郊泰畤。

大司馬大將軍長平侯衛青卒。諡曰烈。

青凡七出擊匈奴再益封并三子。凡二萬二百戶。蘇建

常責青以招選賢者。青謝曰。自魏其武安之厚賓客。天

子常切齒。彼招賢黜不肖者。人主之柄也。人臣奉法遵

職而已。何與招士。

初置刺史。

上既攘卻胡越。開地斥境。乃置交趾。朔方之州。及冀幽

并。幽并二州。舜分冀州置。充徐。青。揚。荆。豫。益。禹貢梁州。涼。禹貢雍州。等州。

凡十三部。皆置刺史。掌奉詔條察州。漢舊儀。刺史以秋分行部。所察六條。

詔舉茂材異等。

詔曰。蓋有非常之功。必待非常之人。故馬或奔蹏而致千里。士或有負俗之累而立功名。夫覲駕之馬。蹏弛之士。亦在御之而已。其令州郡察吏民有茂材異等。可爲將相及使絕國者。

丙子六年春。遣郭昌將兵擊昆明。

注見前。

上欲通大夏。遣使皆閉昆明。爲所殺。奪幣物。于是赦京師亡命。遣郭昌將以擊之。斬首數十萬。後復遣使。竟不得通。

秋。大旱。蝗。

以宗室女爲公主。嫁烏孫。

烏孫使者見漢廣大歸報其國其國乃益重漢匈奴怒欲擊之烏孫恐使使願得尚漢公主爲昆弟乃以江都王建女細君爲公主往妻烏孫昆莫以爲右夫人匈奴亦遣女妻之以爲左夫人公主自治宮室居歲時一再與昆莫會昆莫年老言語不通公主悲愁思歸作黃鵠之歌天子聞而憐之間歲使人問遺昆莫欲使其孫岑陬烏孫官號名軍須靡尚公主公主不聽上書言狀天子乃欲與烏孫共滅匈奴詔報從其國俗岑陬遂妻公主昆莫死代立乃以昆彌昆莫本名獵驕靡故號取昆莫驕靡合而一之爲王號云是時漢使西踰葱嶺抵安息安息發使以大鳥卵及犂靬眩人獻于漢諸小國皆隨漢使獻見每巡狩海上悉從外國客大都多人則大角抵出奇戲聚觀者散財帛賞賜以示富厚令徧觀各倉庫府藏之積以傾駭之大宛左右多

蒲萄可以為酒。多苜蓿。天馬嗜之。漢使采其實以來。天子種之。離宮別館旁。極望焉。大鳥卵。條支國大雀。其卵如鵝。聲軒。西域國名。眩人。即幻人。顏師古曰。今吞刀吐火之類是也。角抵。奇戲。文穎曰。雜技樂也。巴渝戲。魚龍曼衍之屬。

丁丑

太初元年。

應劭曰。初用夏正。故改年為太初。案是年五月改元。故歲首尚仍秦正。至次年始用建寅

之月。

冬十月。帝如泰山。十一月甲子朔旦冬至。祀明堂。益

遣方士入海。

上自泰山。東至海上。考入海。及方士求神仙者。莫驗。然

益遣冀遇之。十二月。親禪高里。

伏儼曰。山名。在泰山下。

祠后土。臨

勃海。望祀蓬萊。幾

義同冀。

至殊廷。

仙人廷也。焉。

柏梁臺災。作建章宮。

三輔黃圖。在未央宮西。長安城外。

柏梁既災。上還。受計甘泉。

公孫卿言。黃帝就青靈臺。十二日燒。乃治明庭。明庭。甘泉

也。上于是命甘泉作諸侯邸。越人勇之曰。越俗有火災。復起屋必以

大用勝服之。乃作建章宮。度為千門萬戶。東鳳闕。西虎

方丈。瀛洲。壺梁。南玉堂。璧門。立神明臺。井幹樓。輦道相屬。

夏五月。造太初歷。以正月為歲首。

大中大夫公孫卿壺遂。壺氏。晉大夫。受邑。其後以為氏。太史令太史

之長。令。漢所置。司馬遷。太史談子。生子。龍門。字子長。等言。歷紀廢壞。宜改正

朔。禮記疏。周建子。商建丑。夏建寅。改正也。周夜半。商雞鳴。夏平旦。易朔也。兒寬議。以為宜

用夏正。斗杓初昏建寅。乃詔卿等造漢太初歷。卿等以

初四千六百一十七歲。至于元封七年。復得闕逢攝提

格之歲。中冬十一月甲子朔旦冬至。日月在建星。太歲

在子。已得太初本星度。願募治歷者。更造密度。各自增

減。以造漢太初歷。于是鄧平及洛下閎等。都分天部。閎

上元本星度。故命曰闕逢攝提格之歲。而實非甲寅也。以正月為歲首。色尚黃。土

色。漢據土。數用五。土數五。定官名。光祿勳。大鴻臚。大司農。地金吾。京兆尹。左

馮翊。右扶風。協音律。更是年為太初元年。

皆是歲所改。劉氏友益曰。始用夏正。故特書造。自是無能改者矣。蓋行夏之時。誠不易之常經也。

秋以李廣利為貳師將軍。伐大宛。

漢使入西域者。言宛有善馬。在貳師城。大宛國城名。匿不肯

與漢使。上使壯士持千金及金馬以請之。宛王不肯。漢

使怒。椎破也。金馬而去。宛貴人令其東邊郁成王遮殺

之。于是上大怒。諸嘗使者。言宛兵弱。誠以漢兵三千人

可盡虜矣。上以為然。而欲侯寵姬李氏。乃拜其兄廣利

為貳師將軍。期至貳師取善馬。故以為號。發屬國騎及郡國惡少年

以求馬。故惡少佐軍。名不正已甚矣。及至士卒飢罷。引還。乃遮之玉門外。不聞有濟軍需。思改絃之政。徒聽貳師留敦煌。是何籌策乎。然武帝雄才大畧。決不如此史傳必有所闕。

數萬人往伐宛。貳師西行。當道小國各城守。不給食。比至郁成。士不過數千。皆饑罷。攻郁成。為所殺傷甚衆。貳師引兵還。至敦煌。上書乞罷兵。上怒。使使遮玉門曰。軍有敢入。斬之。貳師恐。因留敦煌。關東蝗大起。西飛至敦煌。

戊寅二年春正月。丞相慶卒。以公孫賀為丞相。封葛繹侯。

時朝廷督責大臣。丞相比坐事死。賀引拜。不受印綬。頓首涕泣。上起去。賀不得已。拜。出曰。我從是殆矣。

秋。遣趙破奴擊匈奴。敗沒。

初。匈奴烏維單于死。子兒單于。名烏斯廬。立。年少。好殺伐。國

人不安。左大都尉告漢曰。我欲殺單于降漢。漢遠。即兵

來迎我。我即發。上乃遣公孫敖築塞外受降城。在今吳刺武旗

北。以應之。既而猶以為遠。乃遣浚稽將軍趙破奴將二

萬騎期至浚稽山

在漠北胡三省注匈奴有東西浚稽考浚稽山去漢朔方北二千餘里當

在今喀爾喀土喇河及鄂爾渾河之間所謂龍勒水在東浚稽山南余吾水在山之北者是也既至左

大都尉欲發而覺單于誅之發兵八萬騎圍破奴獲之

因急擊其軍軍吏畏亡將而誅遂沒于匈奴

明年兒單于死匈奴

湖單于立漢遣光祿勳徐自為出五原塞築城障列亭遠者千里其秋匈奴大入盡毀壞之

己卯

三年春唯陽

功臣表作唯陵

侯張昌

張敖曾孫廣之子

有罪國除

初高祖封功臣為列侯百四十有三人其封爵之誓曰

使黃河如帶泰山若礪國以永存爰及苗裔申以丹書

之信重以白馬之盟高后時差第位次藏之宗廟副在

有司逮文景後列侯子孫多抵法禁隕身失國至是昌

坐為太常乏祠

祠事有闕也

國除見侯纔四人而已

七科徵發中如有罪亡命
雖不失自贖之義然皆未
繇之卒也至贅壻賈入市
籍皆無罪者不幾驅市人
而戰耶欲以完改定功難
矣

大發兵從李廣利圍宛。宛殺其王毋寡，出善馬以降。

時議者皆願罷宛兵。

以趙破奴敗沒匈奴

上以為宛小國而不能

下，則大夏之屬漸輕漢。而宛善馬絕不來，乃案

案其罪行罰

言伐宛尤不便者鄧光等。大發兵出敦煌。

赦囚徒發惡少年及邊驍

凡六萬人。負私從者不與。

益發天下七科

吏有罪一亡命二贅壻三賈人四故有市籍五父母

有市籍六大夫適與謫同母有市籍七。

適與謫同

及載糒給貳師

拜習馬者二人為執驅馬

校尉備破宛。擇取其善馬云。

于是貳師復行，以兵多所至迎給，不下

者攻屠之。至宛城，兵到者三萬。

宛兵迎擊漢兵大敗之。

圍其城，攻

之四十餘日。

宛城中無井汲城外流水。貳師決其水原移之。宛大困。

宛貴人相與

謀共殺王毋寡，持其頭使貳師曰：「無攻我，我盡出善馬。」

恣所取而給軍食，即不聽我，我盡殺善馬。康居之救又

且至貳師許之。宛乃出其馬。令漢自擇之。而多出食食。

漢軍。漢軍取其善馬數十匹。中馬以下三千餘匹。立宛。

貴人昧蔡。故與漢使善者。為王與盟而罷兵。令搜粟都尉上官。

桀。楚子蘭為上官邑大夫。後以為氏。桀隴西上邽人。攻破郁成。郁成王走康居。

追斬之。明年師還。上以得宛善馬。作西極天馬之歌。辭曰。

天馬來。從西極。涉流沙。九夷服。天馬來。出泉水。虎脊兩。

化若鬼。天馬來。歷無皐。徑千里。循東道。天馬來。執徐時。

將搖舉。誰與期。天馬來。開遠門。竦子身。封廣利為海西。

遊昆侖。天馬來。龍之媒。遊閭闔。觀玉臺。封廣利為海西。

侯。將士皆論功封賞。伐宛再反。凡四歲而得罷。貳師還時。匈奴

因樓蘭。候漢使後過者。欲絕勿通。軍正任文捕得生口。

知狀。以聞。上詔文引兵捕樓蘭王。詰闕對簿。王對曰。小。

國在大國間。不兩屬。無以自安。願徙居漢地。上直其言。

遣歸國。因使候伺。匈奴自是不親信樓蘭。于是自敦煌。

西至鹽澤。往往起亭。而輪臺渠。犁。皆有田卒數百人。置。

使者校尉領護。以給使外國者。輪臺。西域地名。在車。

師西北渠犂城在輪臺東地相接。

辛巳天漢元年。應劭曰時頻年苦旱故改元天漢以祈甘雨師古曰犬雅有雲漢之詩故依以為年號。

春三月遣中郎將蘇武杜陵人蘇建子字子卿。使匈奴。

先是上欲因伐宛之威遂因匈奴乃下詔曰高皇帝遺

朕平城之憂高后時單于書絕悖逆昔齊襄公復九世

之讎。齊襄公滅紀復哀公之讎見公羊傳。春秋大之會匈奴响犂湖單于

死弟且鞮侯單于初立恐漢襲之乃曰我兒子安敢望

漢天子漢天子我丈人行也。因盡歸漢使之不降者路

充國等使使來獻。于是上嘉單于之義遣蘇武送匈奴

使留在漢者。因厚賂單于答其善意。武與副中郎將張勝及假吏常惠等

俱。既至置幣單于。單于益驕非漢所望也。會緱王。昆邪王姊

子與昆邪王俱降漢。與長水虞常漢有長水校尉掌長水胡騎。虞常蓋亦先

沒于匈奴。等謀殺漢降人衛律。律父故長水胡人。律善李

聞延年家收。遂亡。降而劫單于母闕氏歸漢。人告單于。

時律為丁靈。匈奴屬國在康居北。今為俄羅斯地。王貴寵用事。單于使律

治之。虞常引武副張勝知其謀。虞常在漢。素與張勝相知。私候勝。請為伏弩射

殺衛律。單于怒。欲殺漢使者。左伊秩訾。胡官之號。曰。即謀單

于。何以復加。言謀衛律而殺之。其罰太重。宜皆降之。單于使衛律召

武受辭。武謂常惠等曰。屈節辱命。雖生。何面目以歸漢。

引佩刀自刺。衛律驚。自抱持之。武氣絕。半日復息。單于

壯其節。朝夕遣人問武。而收繫勝。武益愈。會論虞常。欲

因此時降武。劍斬常已。律曰。漢使張勝謀殺單于近臣。

蘇武奉使北庭慷慨誓死
歷十九年凜然不少挫固
足以風世勵俗然史家謬
以齧雪餐旃詫為異事夫
雪或可齧旃決無可食之
理即偶一食之斷不能數
日藉以不死是說殊失於
誣即野鼠草實亦祇可苟
延旦夕十九年之久何以
當之則所稱義不食匈奴

當死降者赦罪舉劍欲擊之勝請降律謂武曰副有罪
當相坐武曰本無謀又非親屬何謂相坐律復舉劍擬
之武不動律曰君因我降與君為兄弟今不聽吾計後
雖欲復見我尚可得乎武罵律曰汝為人臣子不顧恩
義畔主背親為降虜于蠻夷何以汝為見言何用見汝為也且
單于信汝使決人生死不平心持正反欲鬪兩主觀禍
敗南越殺漢使者屠為九郡宛王殺漢使者頭縣北闕
朝鮮殺漢使者即時誅滅若知我不降明欲令兩國相
攻匈奴之禍從此始矣律白單于愈欲降之遂幽武置大窖中絕
不飲食天雨雪武卧齧雪與旃毛并咽之數日不死匈奴
奴以為為神乃徙武北海無人處使牧羝曰羝乳乃得
歸別其官屬常惠等各置他所武既至海上廩食不給
掘野鼠去草實而食之仗漢節牧羊卧起操持節旄盡

之粟亦節辭耳。且武既娶婦生子，豈得謂非大節之玷？蓋武不過不降不若李陵衛律之背君以自奇節，吾未之信。

李陵耻為貳師屬役，以發于敵，乃甘心叛降，所謂小

落。

雨白。釐與釐通。師古曰。毛之彊曲者也。

夏大旱。赦。

壬午二年夏，遣李廣利將兵擊匈奴。別將李陵戰敗，降虜。

貳師出酒泉，擊匈奴，斬萬餘級。師還，匈奴大圍之。漢軍

乏食數日，死傷者多。假司馬趙充國字翁孫隴，西上邽人。與壯士

百餘人潰圍陷陣，貳師引兵隨之，遂得解。充國身被二十餘創，詔徵

誰行在所。帝親視其創，嗟歎之。拜為中郎。初，李廣有孫陵字少卿。善騎射，愛人

下士。帝以為有廣之風，拜騎都尉，使將丹陽楚人五千

人，教射酒泉，張掖，以備胡。至是，上欲使為貳師將，輜重

陵曰：臣所將皆荆楚勇士，奇才劍客，力扼虎，射命中，願

續續破犁也。司馬遷以爲欲得當報漢其誰欺乎？以是罪遷不爲過。當然遷恨武帝深矣。其爲史于武帝尚得有美事乎？

得自當一隊。分單于兵。毋令專鄉貳師軍。上曰。將惡相屬耶。吾發軍多。無騎子女。陵對無所事騎。臣願以步兵五千人。涉單于庭。上壯而許之。因詔路博德將兵半道迎陵軍。博德亦羞爲陵後距。奏言。方秋匈奴馬肥。未可與戰。願留陵至春俱出。上疑陵悔。而敎博德上書。乃詔博德擊匈奴于西河。注見前。詔陵以九月發。陵于是出居延。漢縣。注見前。至浚稽山。注見前。與單于相值。騎可三萬。圍陵軍。軍居兩山間。以大車爲營。陵引士出營外爲陳。前行持戟盾。後行持弓弩。令曰。聞鼓聲而縱。聞金聲而止。虜見漢軍少。直前就營。陵搏戰。千弩俱發。應弦而倒。擊殺數千人。單于大驚。召左右地兵八萬餘騎攻陵。陵且戰且引南行。斬首三千餘級。抵大澤。葭葦中。虜從上風縱火。陵亦軍中縱火。以自

救。步鬪樹木間。復殺數千人。單于曰。此漢精兵。擊之不

能下。日夜引吾南近塞。得毋有伏兵乎。欲去。會軍候管

敢。亡降匈奴。具言陵軍無後救。矢且盡。單于大喜。遮道

急攻。陵居谷中。虜在山上。四面射。矢如雨下。漢軍南行。未至鞬汗山。一日

五十萬矢皆盡。陵太息曰。兵敗死矣。令軍士各散。期至

遮虜障。漢路博德所築。在今肅州北邊外。相待。虜騎數千追之。校尉威安侯韓

延年。陵曰。無面目報陛下。遂降。軍得脫至塞者四百人。

上聞陵降。怒甚。羣臣皆罪陵。惟太史令司馬遷盛言陵

事親孝。與士信。常奮不顧身。以徇國家之急。且陵提步

卒。不滿五千。深蹂戎馬之地。抑數萬之師。雖古名將不

過也。身雖陷敗。彼之不死。宜欲得當以報漢也。上以遷

為誣罔。欲沮貳師。為陵游說。下遷腐刑。久之。上悔曰。陵

常發出塞。乃詔強弩都尉令迎軍。坐預詔之。得令老將

生姦詐。乃遣使勞

賜陵餘軍得脫者

遣繡衣直指使者。郎侍御史師古曰。衣繡者尊寵之也。發兵擊東方盜賊。

時郡國二千石多酷暴。吏民益輕犯法。東方盜賊滋起。

攻城邑。取庫兵。釋死罪。殺二千石。掠鹵鄉里。道路不通。

上使光祿大夫范昆等。衣繡衣。持節虎符。發兵以興擊。

所至。得擅斬二千石以下。誅殺甚衆。一郡多至萬餘人。

數歲。乃頗得其渠率。散卒失亡。復聚黨阻山川者。往往

羣居。無可奈何。于是作沈命法。韋昭曰。沈沒也。敢蔽匿盜賊者。沒其命。曰。

盜起不發覺。發覺而捕弗滿品者。二千石以下。至小吏

主者。皆死。其後小吏畏誅。雖有盜不敢發。府亦使其不

言。故盜賊浸多。上下相爲匿。以文辭避法焉。是時暴勝之爲直指

使者。衣繡杖斧。所誅殺二千石以下尤多。威振州郡。至勃海。聞郡人雋不疑賢。請與相見。不疑容貌尊嚴。衣冠

盜傷人者也。縱一盜不知其害幾何人而況萬餘盜乎。如是而謂有陰德史家之顛倒是非可知矣。元皇后之出其家亦偶然耳。然馴致移漢祚則實殆罪之魁耳。何嘉之有。

甚偉。勝之躡履起迎。登堂坐定。不疑據地曰。竊伏海濱。聞暴公子舊矣。今乃承顏接辭。凡為吏。太剛則折。太柔則廢。威行。施之以恩。然後樹功揚名。永終天祿。勝之深納其戒。及還。表薦。召拜青州刺史。王賀亦為繡衣御史。逐捕羣盜。多所縱捨。以奉使不稱免。歎曰。吾聞活千人。子孫有封。吾所活者。萬餘人。後世其興乎。雋不疑。字曼倩。勃海人。王賀字翁孺。元成人。元皇后之父。

癸未 三年春三月。帝東巡。還祠常山。

上行幸泰山。修封。祀明堂。因受計。還祠常山。瘞元玉方士之候神人求蓬萊者。終無有驗。上益厭怠矣。然猶羈縻不絕。冀遇其真。

夏大旱。赦。

甲申 四年春正月。遣李廣利等擊匈奴。不利。族誅李陵家。

發天下七科適。及勇敢士。遣李廣利等四將軍出塞。

貳師

將軍李廣利將騎六萬。步兵七萬。出朔方。煇弩都尉路博德將萬餘人。與貳師會。遊擊將軍韓說將步兵三萬人。出五原。因杆將軍公孫敖。匈奴聞之。悉遠其累重于將騎萬。步兵三萬人。出鴈門。

余吾水

在浚稽山北。

北而單于以兵十萬待水南。與貳師接

戰。貳師解而引歸。遊擊無所得。因杆與左賢王戰不利。時上遣敖深入匈奴迎李陵。敖軍無功還。因曰。得生口。言李陵教單于為兵以備漢軍。故臣無所得。上于是族陵家。既而聞之。乃李緒。非陵也。陵使人刺殺緒。單于以女妻陵。立為右校王。與衛律皆貴用事。

夏四月。立子髡為昌邑王。

治昌邑。注見前。

髡。李夫人子也。

立十一年薨。子賀嗣。

秋。九月。令死罪入贖。

錢五十萬減死一等。

乙酉

太始元年。

應劭曰。與民更始。故以冠元。

春正月。徙豪傑于茂陵。

注見前。

丙戌

二年春三月。制金。班諸侯王。

詔曰。往者朕郊見上帝。獲白麟。渥洼水出天馬。泰山見

黃金。宜改故名。今更黃金為麟趾褭。

奴了反。

蹏。要褭。駁馬名。褭蹏。馬

蹏也。師古曰。舊金以斤兩為名。今欲表祥瑞。故普改為麟趾馬蹏之形。以易舊法。

以協瑞焉。因

以班賜諸侯王。

秋穿白渠。

在西安府涇陽縣西北。有大白。中白。南白。三渠。

趙中大夫白公。

史失其名。

奏穿渠。引涇水。

注見前。

首起谷口。

在涇

陽縣西北。師古曰。仲山之谷口也。漢時為縣。今呼冶谷。仲山之北。寒涼。故謂此谷為寒門。尾入櫟陽。

注見前。

注渭中。袤二百里。溉田四千五百餘頃。因名曰白

渠民得其饒

歌之曰。出于何所。池陽谷口。鄭國在前。白渠起後。舉而為雲。決渠為雨。涇水一石。其

泥數斗。且溉且糞。長我禾黍。衣食京師。億萬之口。

鄭國渠。注見前。今

白渠。白仲山龍洞而東。北曰北白。中

曰中白。南曰下白。凡灌涇陽醴

泉三原。高陵四縣田七千餘頃。

丁亥三年春正月。帝東巡琅邪。浮海而還。

上行幸東海。獲赤雁。作赤雁之歌。幸琅邪。禮日成山。登

之罘。

注並見前。

浮大海而還。

子弗陵生。

弗陵母曰河間趙婕妤。

帝過河間。望氣者言此有奇女。上使召之。既至。兩手皆拳。上自

披之。手即時伸。由是得幸。號拳夫人。封

婕妤。

婕妤位昭儀下。視上卿比列侯。

居鈞弋宮。

以婕妤手

反屈如鈞。故名。

任身十四月而生。上曰。聞昔堯十四月而生。乃

命門曰堯母門。

以江充

邯鄲人。

爲水衡都尉。

充初爲趙王

趙敬肅王彭祖。

客得罪。亡詣闕。告趙太子陰事。太

子坐廢。充容貌魁岸。被服輕靡。上召與語。大悅之。拜爲

直指繡衣使者。使督察貴戚近臣踰侈者。充舉劾無所

避。令身待北軍擊匈奴。貴戚子弟叩頭求哀于上。願入

錢贖罪。凡數十萬。上以充爲忠直。嘗從上甘泉。逢太子

家使乘車馬行馳道中。充以屬吏。太子使人謝充。曰。非

愛車馬。誠不欲令上聞之。以教勅亡素。

謂素不曾教勅左右者。

唯

江君寬之。充不聽。遂白奏。上曰。人臣當如是矣。大見信

用。威震京師。

戊子。

四年春三月。帝東巡。祀明堂。修封禪。夏五月。還宮。赦。

上幸不其。漢縣以不其山名故城在今山東萊州府即墨縣。祠神人于交門宮。

晉灼曰琅邪有交門宮。若有鄉坐拜者作交門之歌。

冬十月甲寅晦日食。

己征和元年。應劭曰言征伐四夷而天下和平。夏大旱。

冬十一月大搜長安十一日。

上居建章宮見一男子帶劍入中龍華門命收之弗獲。

上怒斬門候發三輔。京兆左馮翊右扶風是為三輔。騎士大搜上林閉。

長安城門索十一日乃解。巫蠱始起。是時方士及諸神巫多聚京師率皆

左道惑眾變幻無所不為。女巫往來宮中教美人度厄。每屋輒埋木人祭祀之。因妬忌恚詈更相告訐以為祝

詛上無道後宮及大臣被誅者甚眾。

庚寅二年春正月丞相賀有罪下獄死。夷其族。以劉屈氂中山

巫蠱之起實因信方士求神仙有以啟之妖由人興不可不求其本也

靖王封彭侯爲左丞相。

賀夫人君孺。衛皇后姊也。子敬聲爲太僕。驕奢不奉法。擅用北軍錢。發覺。下獄。時詔捕陽陵大俠朱安世甚急。賀自請捕安世。以贖敬聲罪。果得安世。安世笑曰。丞相禍及宗矣。遂從獄中上書。告敬聲與陽石公主私通。祝詛上有惡言。遂下賀獄。父子死獄中。家族。

夏四月。大風。發屋拆木。

帝如甘泉。秋七月。皇太子據殺使者江充。白皇后發兵反。詔丞相屈氂討之。據敗走湖。

漢縣。故城在今河南陝州閿鄉縣。

皇后衛氏。

及據皆自殺。

初。上立太子。甚愛之。及長。嫌其才能不類已。皇后太子。

充雖大姦。豈能謀間骨肉。持餌覲易儲之萌。是以乘機竊發耳。物先腐而蟲生。信哉。

常不自安。上覺。使大將軍青曉之。

上曰。漢家庶事草創。加四夷侵陵中國。朕

不變更制度。後世無法。不出師征伐。天下不安。為此者。不得不勞。若後世又如朕所為。是襲亡秦之跡也。太子敦重好靜。必能安天下。欲求守文之主。安有賢于太子者乎。可以此意喻之。上用法嚴。太子

寬厚。多所平反。

如淳曰。奏請從輕也。

用法大臣多不悅。衛青既卒。

臣下無復外家為據。

言諸臣以太子已無外家。可為馮依。

競欲搆太子。會

巫蠱事起。

上心以為疑。嘗晝寢。夢木人數千。持杖欲擊上。上驚寤。因是體不平。遂苦忽忽善忘。

上

以江充為使者治其獄。

自京師三輔及郡國坐死者數萬人。

充自以與太

子及衛氏有隙。因言宮中有蠱氣。入宮。至省中。壞御座。

掘地求蠱。上又使蘇文等助充。

太子嘗謁皇后。移日乃出。黃門蘇文告上曰。太

子與宮人戲。上益太子宮人。太子知之。銜文。文與小黃門常融等。常微伺太子過。輒增加白之。皇后切齒。使太子白誅文等。太子曰。弟勿為過。上聰明不信邪佞。不足憂也。已而融被誅。文搆太子益甚。充遂至太

子宮掘地縱橫。無復施牀處。云于太子宮得木人尤多。

當奏聞。太子懼。召問少傅石德。石慶子。德懼并誅。因曰。前

丞相公孫賀。父子兩公主。諸邑。陽石。及衛氏。長平侯伉。皆坐此。今無

以自明。可矯以節收捕充等。繫獄窮治其姦詐。且上疾

在甘泉。皇后及家吏請問。皆不報。存亡未可知。而姦臣

如此。太子不念秦扶蘇事邪。太子不聽。將如甘泉。而充

持之急。太子遂從德計。乃使客詐爲使者。收捕充等。自

臨斬之。罵曰。趙虜。前亂乃國王父子不足邪。乃復亂。吾

父子也。使舍人持節夜入宮。白皇后。發中廡。天可廡。車載

射士出武庫兵。發長樂宮衛卒。蘇文亡歸甘泉。言狀。上

大怒。賜丞相璽書曰。捕斬反者。自有賞罰。堅閉城門。毋

令反者得出。太子宣言帝病困，疑有變，上于是從甘泉來幸城西建章宮。詔發三輔近縣兵，丞相將之。太子亦矯制赦長安中都官囚徒，命石德及賓客張光等分將召護北軍，使者任安與節令發兵。安拜受節，入閉門不出。太子引兵毆肆市人數萬，至長樂西闕下，逢丞相軍合戰五日，死者數萬人。民間皆云太子反，以故衆不附。太子兵敗，南犇覆盎城門。長安城東南門，亦曰杜門。司直田仁部閉城門，以爲太子父子之親，不欲急之。太子得出亡。丞相欲斬仁。御史大夫暴勝之曰：「司直吏二千石，當先請。」奈何擅斬之？」丞相釋仁。上聞大怒，下吏責問勝之，皇恐自殺。詔收皇后璽綬，后自殺。上有以爲任安老吏，欲坐觀成敗，有兩心。與田仁皆要斬諸太子賓客，嘗出入宮門，皆坐誅。上怒甚，羣下憂懼，不知所出。其隨太子發兵以反法族。

壺關

今縣屬山西潞安府本漢置

三老茂上書曰臣聞父者猶天母

者猶地子猶萬物也故天平地安物乃茂成父慈母愛

子乃孝順今皇太子爲漢適嗣承萬世之業體祖宗之

重親則皇帝之宗子也江充布衣之人間閭之隸臣耳

陛下顯而用之銜至尊之命以迫蹙皇太子造飾姦詐

羣邪錯繆太子進則不得見上退則困于亂臣獨冤結

而無告不忍忿忿之心起而殺充恐懼逋逃子盜父兵

以救難自免耳臣竊以爲無邪心往者江充讒殺趙太

子天下莫不聞陛下不察深過太子發盛怒舉大兵而

求之三公白將智者不敢言辯士不敢說臣竊痛之書

奏上感悟然尚未顯言赦之也太子亡東至湖匿泉鳩

太子而反天下大變也子
盜父兵殺讒者尚可合戰
五日何爲者而盡關三老
上書辨其冤所謂亂民之
尤彼必除有以窺武帝略
悔之意觀太子之復位居
首功耳人情險噉吁可畏
哉

里。一名全鳩澗。在閼鄉縣西南。主人家貧。賣屨以給太子。八月發覺。

吏圍捕太子。太子入室。距戶自經。皇孫二人皆并遇害。初。上爲太子立博望苑。使通賓客。從其所好。賓客多以異端進者。故終及于敗。

八月地震。

辛卯三年春三月。遣李廣利等將兵擊匈奴。

匈奴寇五原。酒泉遣李廣利等將兵擊之。李廣利將七萬人出五原。

商邱成將二萬人出西河。馬通將四萬騎出酒泉。

夏六月。丞相屈釐棄市。李廣利降匈奴。詔族其家。

貳師之出也。丞相劉屈釐爲祖道。送至渭橋。廣利曰。願君侯早請昌邑王爲太子。如立爲帝。君侯長何憂乎。屈

鼂許諾貳師出塞破匈奴兵于夫羊句山。在漠北。乘勝追

北至范夫人城。在今喀爾喀地。會有告丞相夫人祝詛上及與

貳師共禱祠欲令昌邑王爲帝按驗罪至大逆不道六

月屈鼂要斬東市貳師妻子亦收貳師聞之憂懼遂深

入要功北至郅居水。在范夫人城北。上逢左賢王左大將合戰

一日殺左大將還至燕然山。今喀爾喀有杭愛山直陝西寧夏北二千餘里蓋卽

古燕然山。單于自將五萬騎遮擊貳師夜塹漢軍前深數尺

從後急擊之軍大亂敗貳師遂降單于以女妻之宗族

遂滅。貳師在匈奴歲餘衛律害其寵會母闕氏病律飭匈奴會連雨雪數月畜產死人民疫

病穀稼不熟單于恐爲貳師立祠室。

秋以田千秋本齊諸田徙長陵。爲大鴻臚族滅江充家

千秋亦三老之見至謬稱
白頭翁荒誕甚矣此武帝
之信邪有以致之遂以為
丞相不更可笑乎

吏民以巫蠱相告言者案驗多不實上頗知太子惶恐

無他意會高寢郎高廟衛寢之郎田千秋上急變訟太子冤曰

子弄父兵罪當笞天子之子過誤殺人當何罪哉臣嘗

夢見一白頭翁教臣言上乃大感寤召見千秋千秋長八尺餘

體貌甚麗上見而悅之謂曰父子之間人所難言也公獨明其不

然此高廟神靈使公教我公當遂為我輔佐立拜千秋

為大鴻臚而族滅江充家焚蘇文于橫橋即中渭橋上在橫門外

上憐太子無辜乃作思子宮為歸來望思之臺于湖天下聞而悲之

壬辰四年春正月帝如東萊注見前

上欲浮海求神仙羣臣諫弗聽會大風晦冥海水沸涌

留十餘日乃還是歲雍縣注見前無雲而雷者三聲聞四

百里。隕石二，黑如黧。

三月，帝耕于鉅定。

漢縣，故城在今山東青州府壽光縣西北。

還至泰山，罷方士。

侯神人者。夏六月，還宮。

上耕于鉅定，還幸泰山，修封禪，祀明堂，見羣臣，乃言曰：「朕卽位以來，所爲狂悖，使天下愁苦，不可追悔。自今事有傷害百姓，糜費天下者，悉罷之。」田千秋曰：「方士言神仙者甚衆，而無顯功，請皆罷斥遣之。」上曰：「大鴻臚言是也。」于是悉罷諸方士，侯神人者。是後，上每對羣臣，自歎曰：「時愚惑，爲方士所欺，天下豈有仙人，盡妖妄耳。」節食服藥，差可少病而已。

以田千秋爲丞相，封富民侯。以趙過爲搜粟都尉。

千秋無他才能學術。又無閎閎功勞。特以一言寤意。數月取宰相封侯。世未嘗有也。然爲人敦厚有智。居位自稱。踰于前後數公。先是桑弘羊言輪臺注見前東有溉田五千頃以上。可遣屯田卒置校尉募民壯健敢徙者詣田所墾田築亭以威西國。上乃下詔深陳既往之悔曰。前有司奏欲益民賦三十助邊用。是重困老弱孤獨也。今又請遣卒田輪臺。輪臺西于車師千餘里。前擊車師雖降其王。以遼遠乏食。道死者尚數千人。况益西乎。匈奴常言漢極大。然不耐饑渴。失一狼走千羊。乃者貳師敗。軍士死略離散。悲痛常在朕心。今又請遠田輪臺。欲起亭隧。是擾勞天下。非所以優民也。朕不忍聞大鴻臚

代田分畊歲易其處以用力少得穀多也然此用之土曠人稀時尚可否則以二畊之地代種即使一畊有二畊之獲地與穀僅足相當又何便巧之有

等又議欲募囚徒送匈奴使者明封侯之賞以報忿此

五伯所弗爲也當今務在禁苛暴止擅賦力本農修馬

復師古曰馬復因養馬以免徭賦也令以補缺毋乏武備而已郡國二

千石各上進畜馬方略補邊狀與計對自是不復出軍

而封田千秋爲富民侯以明休息思富養民也又以趙

過爲搜粟都尉過教民爲代田一畝秦制二百四三畊

溝廣深各尺日畊代易也歲易其處胡三省曰周禮一易再易之類每耨輒附

根每耨草輒以土附著苗根根深能耐讀曰耐風旱其耕耘田器皆有便

巧用力少而得穀多民皆便之

秋八月辛酉晦日食

癸巳後元元年夏六月侍中僕射馬何羅反伏誅

初馬何羅與江充相善。及衛太子起兵。何羅弟通以力戰封侯。後上夷滅江充宗族。黨與何羅兄弟懼及。遂謀爲逆。侍中金日磾視其志意有非常。心疑之。陰獨察其動靜。與俱上下。以故久不得發。上幸林光宮。服虔曰。甘泉宮。亦名林光。何羅與通矯制夜出發兵。明旦上未起。何羅袖白刃從東廂上。見日磾。色變走趨卧內。觸寶瑟。僵。日磾得抱何羅投殿下。窮治皆伏辜。

秋七月地震。往往湧泉出。

殺鉤弋夫人趙氏。

鉤弋夫人之子弗陵年七歲。形體壯大。多知。上奇愛之。心欲立焉。以其年穉。母少。猶與久之。欲以大臣輔之。察

武帝雖鑒呂雉之禍而爲此然非有人心者所忍聞彼呂雉之禍亦高祖有以致之耳不思善處預防欲以陰毒爲弭患之計謬矣

羣臣唯奉車都尉光祿大夫霍光忠厚可任大事上乃使黃門畫周公負成王朝諸侯以賜光後數日帝譴責鉤弋夫人夫人脫簪珥叩頭帝曰引持去送掖庭獄夫人還顧帝曰趣行汝不得活卒賜死帝閑居問左右曰外人言云何左右對曰人言且立其子何去其母乎帝曰然。是非兒曹愚人之所知也。往古國家所以亂由主少母壯也。女主獨居驕蹇淫亂自恣莫能禁也。汝不聞呂后邪。故不得不先去之也。

甲午二年春二月帝如五柞宮在今西安府盤屋縣東南西京雜記宮有五柞樹陰覆數畝故立弗陵爲皇太子以霍光爲大司馬大將軍金日磾爲車騎將軍上官桀爲左將軍受遺詔輔少主帝崩

上官桀以辯給與過耳武
帝遂信之至于託孤宜其
後日不終所事也然霍光
金日磾豈非武帝特識之
人乎故武帝所為有大過

上病篤霍光涕泣問曰如有不諱誰當嗣者上曰君未
喻前畫意邪立少主君行周公之事光頓首讓曰臣不
如金日磾日磾亦曰臣外國人不如光且使匈奴輕漢
乃立弗陵為皇太子明日命光日磾及上官桀受遺詔
輔少主與御史大夫桑弘羊皆拜卧內牀下光出入禁
闈二十餘
年出則奉車入侍左右小心謹慎未嘗有過為人沈靜
詳審每出入下殿門止進有常處郎僕射竊識視之不
失尺寸日磾在上左右目不忤視者數十年賜出宮女
不敢近上欲納其女後宮不肯其篤慎如此上尤奇異
之日磾長子為帝弄兒其後壯大自殿下與宮人戲日
磾適見遂殺之上怒日磾具言所以上為之泣而心敬
日磾桀始以材能見幸為未央廄令上嘗體不安及愈
見馬多瘦上大怒曰令以我不復見馬邪欲下吏桀頓
首曰臣聞聖體不安日夜憂懼意誠不在馬又明日帝
言未卒泣數行下上以為愛已由是親近
崩人殯未央前殿

八者亦有大不可解者

太子弗陵卽位。

時帝姊鄂邑長公主共養省中。光曰。碑。桀。共領尚書事。光輔幼主。政自己出。天下想聞其風采。殿中常有怪。一夜羣臣相驚。光召尚符璽郎。欲收取璽。郎不肯授。光欲奪之。郎按劍曰。臣頭可得。璽不可得也。光甚誼之。明日。詔增此郎秩二等。衆庶莫不多光。

三月葬茂陵。

史臣曰。漢承百王之弊。高祖撥亂反正。文景務在養民。至于稽古禮文之事。猶多闕焉。孝武初立。卓然罷黜百家。表章六經。遂疇咨海內。舉其俊茂。與之立功。興太學。修郊祀。改正朔。定歷數。協音律。紹周後。號令文章。煥焉可述。如武帝之雄才大略。不改文景之恭儉。以濟斯民。雖詩書所稱。何以加焉。

秋七月。追尊鉤弋夫人爲皇太后。起雲陵。

在西安府涇陽縣西北。

孝昭皇帝

乙未始元元年春二月帝耕于弄田

鉤盾弄田在未央宮中師古曰謂宴遊之田天

子所戲弄耳

秋七月大雨至于十月

燕王旦謀反赦弗治黨與皆伏誅

燕王請入宿衛不臣之跡已著至連兵構釁更當伏斧鑕之誅乃曲赦弗治是霍光有公旦之誠款而無公旦之才識矣

初武帝時燕王旦自以次第當為太子。上書求入宿衛。帝怒。斬其使。又坐匿亡命。削三縣。旦辯慧博學。其弟廣陵王胥有勇力。而皆動作無法。復多過失。及武帝崩。賜諸侯王璽書。燕王旦得書。不肯哭。曰。璽書封小。京師疑有變。遣幸臣之長安問禮儀。陰刺候朝廷事。及詔賜錢益封。旦怒曰。我當為帝。何賜也。遂與齊孝王孫澤等結

謀詐言以武帝時受詔得職吏事修武備備非常為姦

書言少帝非武帝子天下宜共伐之使人傳行郡國以

搖動百姓澤謀歸發兵臨菑

注見前

且招徠郡國姦人賦

斂銅鐵作甲兵數閱其車騎材官卒發民大獵以講士

馬須期日殺諫者韓義等凡十五人八月青州刺史雋

不疑收捕澤等以聞遣大鴻臚丞治連引燕王詔以燕

王至親勿治而澤等皆伏誅遂擢不疑為京兆尹

不疑為京

兆尹吏民敬其威信每行縣錄囚徒還其母輒問不疑

有所平反活幾何人即多所平反母喜笑異他時或無

所出母怒為不食故不疑為吏嚴而不殘

九月車騎將軍桀

漢縣故城在今山東曹州府城武縣

侯金曰

諡曰敬

初武帝以日磾捕反者馬何羅功遺詔封為桀侯日磾

以帝少不受封。及病困，光白封之。卧受印綬。一日薨。

日

兩子。賞建俱侍中。與上卧起。賞奉車。建駙馬都尉。及賞

嗣侯。佩兩綬。上謂光曰。金氏兄弟兩人。不可使俱兩綬。

那。對曰。賞自嗣父為侯耳。上笑曰。侯不在我與

將軍乎。對曰。先帝之約。有功乃得封侯。遂止。

閏月遣使行郡國。舉賢良。問民疾苦。

丙申二年春正月。封大將軍光為博陸侯。師古曰。取鄉聚之名。非縣也。

將軍桀為安陽侯。桀食邑蕩陰。

皆以遺詔前捕反者功。與金日磾同封。至是始受。時衛尉王

莽子男忽侍中。揚語曰。帝崩。忽常在左右。安得遺詔封

一子事。羣兒自相貴耳。光聞之。切讓王莽。莽酖殺忽。

以宗室劉辟彊。字少卿。楚元王交之孫。劉長樂為光祿大夫。辟彊守

長樂衛尉。

或說霍光曰。將軍不見諸呂之事乎。攝政擅權而背宗

室不與共職。是以天下不信。卒至滅亡。今將軍當盛位。帝春秋富。宜納宗室。又多與大臣共事。則可以免患。光然之。乃擇宗室可用者。拜二人皆爲光祿大夫。辟彊守長樂衛尉。時辟彊已八十餘。徙宗正。數月卒。

秋。匈奴狐鹿姑單于死。子壺衍鞮單于立。

初。武帝征伐匈奴。深入窮追。二十餘年。匈奴馬畜孕重。

懷任也。墮殯。胎落也。罷。讀作也。散也。罷。疲也。極。苦之。常有欲和親意。未能得。

是歲。單于病且死。謂諸貴人。我子少。不能治國。立弟右

谷蠡王。及單于死。衛律等與顓渠閼氏謀。矯單于令。更

立其子爲壺衍鞮單于。左賢王。右谷蠡王。怨望。不復肯

會龍城。

匈奴諸王。每歲五月大會龍城。祭其先天地鬼神。

匈奴始衰。

丁酉二年冬十月鳳凰集東海。漢郡注見前。

遣使者祠其處。

十一月壬辰朔日食。

戊戌四年春三月立倭倭上官氏爲皇后赦。

初霍光與上官桀相親善每休沐出桀常代入決事光女爲桀子安妻生女年甫六歲安欲因光內之宮中光不聽帝姊鄂邑蓋長公主私近子客丁外人安說外人曰安子容貌端正誠因長主時得入爲后以臣父子在朝而有椒房之重漢家故事常以列侯尚主足下何憂不封侯乎外人言于長主長主以爲然召安女入爲倭倭遂立爲后以安爲車騎將軍。

己亥五年春正月。男子成方遂詣闕。詐稱衛太子。伏誅。

有男子乘黃犢車。詣北闕。詐稱衛太子。公車以聞。詔公卿將軍中二千石雜識視。至者並莫敢發言。京兆尹不疑後到。叱從吏收縛。或曰。是非未可知。且安之。不疑曰。諸君何患于衛太子。昔蒯瞶違命出犇。輒拒而不納。春秋是之。衛太子得罪先帝。亡不卽死。今來自詣。此罪人也。遂送詔獄。上與大將軍光聞而嘉之。曰。公卿大臣。當用有經術明于大誼者。由是不疑名重朝廷。廷尉驗治。竟得姦詐。本夏陽人。姓成。名方遂。居湖。有故太子舍人謂曰。子狀貌甚似衛太子。方遂利其言。冀以得富貴。坐誣罔不道。要斬。

伊川程子曰。不疑說春秋。非是。然其處事應機。則不異于古人矣。

庚子六年春。詔問賢良文學。民間疾苦。

諫議大夫杜延年

字幼公。杜周少子。

言年歲比不登。流民未盡

還。宜修孝文時政。示以儉約。寬和順天心。說民意。年歲

宜應。光納其言。詔有司問郡國所舉賢良文學。民間疾

苦。教化之要。皆對願罷鹽鐵酒榷。

武帝時榷酒酤。

均輸官。毋與

天下爭利。桑弘羊難以爲此國家大業。所以制四夷。安

邊足用之本。不可廢也。于是鹽鐵之議起焉。是年秋七

月。罷榷酤官。從賢良文學之議也。

霍光知時務之要。輕徭薄賦。與民休息。會

匈奴和親。百姓充實。稍復文景之業焉。

蘇武還自匈奴。以爲典屬國。

本秦官。漢因之。掌蠻夷降者。

初。武與李陵俱爲侍中。及陵降匈奴。單于使至海上。爲武置酒設樂。謂曰。單于聞陵與子卿素厚。故使來說足下。虛心欲相待。終不得歸漢。空自苦亡人之地。信義安所見乎。武曰。武父子無功德。皆爲陛下所成就。位列將爵通侯。常願肝腦塗地。今得殺身自效。誠甘樂之。臣事君。猶子事父也。子爲父死。無所恨。願勿復言。陵與武飲數日。復曰。子卿壹聽陵言。武曰。自分已死久矣。必欲降武。請畢今日之驩。效死于前。陵見其至誠。喟然嘆曰。嗟乎。義士。陵與衛律之罪。上通于天。因泣下霑衿。與武決去。後陵復至北海上。語武以武帝崩。武南鄉號哭。歔血旦夕。臨數月。及是。匈奴國內乖離。恐漢兵襲之。于是與

武宏等歸蓋匈奴以舊使老而無用聊爲和親之

計耳使上林雁帛云三巢
足動聽則索及叛降之陵
律匈奴亦將與之乎

漢和親乃歸武及馬宏等

宏前使西國為匈奴所遮亦不肯降故匈奴歸此二人欲

以通善意先是漢求武等單于詭言武死漢使復至常惠夜見漢使其自陳道教使者為單于言天子射上林中得雁足有繫帛書言武等在某澤中使者如惠語以讓單于單于大驚謝曰武等實在于是李陵置酒賀武曰足下揚名匈奴功顯漢室雖古竹帛所載丹青所畫何以過子卿陵雖驚怯令漢貴陵罪全其老母庶幾乎曹柯之盟宿昔所不忘也今復何顧哉已矣令子卿知吾心耳乃起舞作歌泣下數行遂與武決武留

匈奴十九歲始以彊壯出及還鬚髮盡白

官屬隨還者九人既至京

師詔武奉一太牢謁武帝園廟拜典屬國賜錢二百萬田二頃宅一區常惠等拜中郎老者歸家賜錢十萬

